

光緒順天府志

人物志六

光緒順天府志九十六

先賢六

黃岡洪良品纂江陰穆奎孫履軒

元

耶律楚材

子鑄孫希亮

史秉直

子天倪

天安

天澤

天倪

子格

從弟天祥

薛塔喇海

楊格濟格

賈實喇

子酬尼賁

郭汝梅

李秉彝

朱國寶

石天麟

張榮實

子玉

杜瑛

張子良

子懋

張巴圖

李德輝

張思忠

子程

梁曾

王利用

張九思

盧摯

尙文

郝元良

王伯勝

張伯用

王倚

郭貫

鮮于樞

梁德珪

郝彬

曹鑑

吳鼎

劉德溫

趙師魯

宋本

弟

賈璧

子用

李廷

張誠

劉器之

梁有

宗杞

阿都齊

曾德

劉秉直

何失

元

耶律楚材字晉卿遼東丹王托雲

原作

子襲國為燕京留守遂居

於燕八傳生楚材

幾輔唐志七十一

案耶律楚材為遼宗室

祖定燕京求遼宗室即得之其為遼時居燕祖父昔美贊休金元太

亡仍世居燕地可知唐志人僑南今改入先賢楚材以明昌元年

六月二十日生父履通數學私謂所親曰吾年六十而得此子他

宋子真

日必成偉器且當為異國用因取左氏楚材晉用以名字

耶律文

正公神道碑

生三歲而孤母楊氏教之學比長博極羣書旁通天文地

理律歷衍數之說為文若宿構者

元史類編十一

金中都破蒙古主嘗訪

遼宗室

通鑑輯覽五十

聞其名召見之楚材身長八尺美髯宏聲帝偉之

元史

謂曰遼金世讎朕為汝雪之對曰臣父祖嘗委質事金既為

臣子敢讎君父耶

元史類編十一

帝重其言處之左右以備諮訪

神道碑

己

卯夏六月帝西討回回國禡旗之日雨雪三尺帝疑之楚材曰元

冥之氣見於盛夏克敵之徵也庚辰冬大雷復問之對曰回回國

主當死於野後皆驗

元史

夏人禡巴沁

原作常入斤

善造弓每日國家

方用武耶律儒者何用楚材曰治弓用弓匠為天下豈可不用治

天下匠耶太祖聞之喜日見親用

古品節錄六

國初未有歷學

神道碑

西

域歷人奏五月望夜月當蝕楚材曰否卒不蝕明年十月楚材言

月當蝕西域人曰不蝕至期果蝕八分

元史

上大異之曰汝於天

上事無不知況人間事乎

神道碑

壬午八月長星見西方楚材曰女

眞將易主矣未幾金宣宗果殂帝每征討必命楚材卜帝亦自灼

羊胛以相符應然後行指楚材謂太宗曰此人天賜我也後軍國

庶政當悉委之甲申帝至東印度駐鐵門關

元史列傳

忽有大獸

殺耕錄

鹿形馬尾色綠而獨角

神道碑

如犀牛能作人語云此非帝世界宜

速遣左右皆震懾獨楚材進曰此名角端乃旄星之精聖人在上

則斯獸奉書而至能日行一萬八千里

殺耕錄

解四夷語是惡殺之

象今大軍西征已四年蓋上天惡殺遣之告陛下願承天心宥此

數國人命

通鑑輯覽九十一

帝卽回馭

殺耕錄

丙戌冬從下靈武諸將爭取

金帛楚材獨收遺書及大黃藥材旣而軍中病疫得大黃輒愈全

活者萬人已丑秋太宗將卽位擇期八月二十二日

元史類編

楚材

以遺詔召諸王畢至時拖雷監國諸王意猶未決楚材言於監國

曰此社稷大計若不早定恐生他變

宋史紀事本末九十九

遂翼太宗登寶

位告親王察罕台曰王雖兄位則臣也禮當拜王拜則莫敢不拜

王深然之率皇族及臣僚拜帳下國初尊屬行拜禮自此始

元史類編

一中原新定未有號令長吏皆得自專生殺稍有忤意刀鋸隨之

至有全家被禍者楚材以爲言命禁絕之

宋史紀事本末九十九

且條便宜

一十八事頒天下帝悉從之

元史列傳

太祖初之征西域也倉庫無尺

帛斗粟之儲

元史類編十一

於是羣臣咸言雖得漢人亦無所用不若盡

殺之使草木暢茂以爲牧地耶律楚材曰夫以天下之廣四海之

富何求而不得弗爲耳誠均定中原地稅商稅酒醋鹽鐵山澤之

利周歲可得銀五十萬兩帛八萬匹粟四十餘萬石何爲無用哉

帝曰誠如卿言則國用有餘矣卿試爲之至是楚材奏立十路課

稅所設使副二員悉用士人如陳時可趙昉劉中等皆在選中楚

材因間進說周孔之教且謂天下雖得之馬上不可以馬上治宋史

紀事本帝深然之由是文臣漸進用歷代名臣言行錄二十二辛卯秋帝至雲

中元史諸路所貢課額銀幣及倉廩物料文簿具陳於前悉符楚

材元奏之數通鑑輯覽帝笑謂曰卿在朕左右而能使穀流入

如此即日拜中書令事無大小一以委之歷代名臣言行錄二十二楚材奏諸

路州縣長吏專理民事萬戶府專總軍政課稅所專掌錢穀不相

統攝著為令通鑑輯覽又舉札哈紐赫均原作鎮海粘合與之同事權貴

不得志宋史紀事本末一百軒達布原作咸以舊怨嫉之譖於宗王歷代名臣言行錄

錄二使奏楚材用南朝舊人恐有異志不宜重用因誣搆百端必

欲寘於死地札哈紐赫均等懼讓楚材曰何為強更張必有今日

事楚材曰立朝廷以來每事皆我自為諸公何與焉若果獲罪我

自當之宋史紀事本末一百帝察其誣責使者罷遣之元史已而軒達布為

人所訴

宋史紀事本末一百

帝命楚材按治奏曰此人倨傲故易招謗方今

有事南方他日治之未晚帝私謂侍臣曰楚材不較私讎實寬厚

長者汝曹當效之

元史類編十一

蒙古之制凡攻城不降矢石一發卽屠

之汴京旣陷大將蘇特布

原作速不台

請屠其城楚材馳入奏曰將士

暴露數十年所欲者土地人民耳得地無民將焉用之帝猶豫未

決楚材曰奇巧之工厚藏之家皆在於此若盡殺之將無所獲乃

詔除完顏氏一族外餘皆原免時避兵在汴者尙百四十萬戶皆

保全遂爲定制

歷代名臣言行錄二十二

楚材又請求孔子後收太常禮樂生

及聘召名儒乃以孔子五十一代孫元措襲封衍聖公付以林廟

地召名儒梁陟王萬慶趙著等使釋九經進講東宮又率大臣子

弟執經解義俾知聖人之道置編修所於燕京經籍所於平陽由

是文治興焉甲午議籍中原民

元史列傳

時羣臣共欲以丁爲戶耶律

楚材以爲不可衆皆曰我朝及西域諸國莫不以丁爲戶豈可捨大國之法而從亡國之政耶楚材曰自古有中原者未嘗以丁爲戶若果行之可輸一年之賦隨卽逃散矣蒙古主從楚材之議及呼圖克原作忽都虎以所括民戶一百四十萬上帝讓割裂諸州郡分

賜諸王貴族楚材奏曰尾大不掉易以生隙不如多與金帛足以爲恩帝曰業已許之矣楚材曰若置官吏必自朝命除恆賦外不令擅自徵斂差可久也帝從之楚材又定賦稅每二戶出絲一斤以供官用五戶出絲一斤以與受賜貴戚功臣之家地稅中田每畝二升又半上田每畝三升半中田三升下田二升半水田每畝五升商稅三十分之一鹽銀一兩四十觔已上以爲永額朝臣以爲大輕楚材曰將來有以利進者則已爲重矣宋史紀事本末一百一丁酉楚材奏曰制器者必用良工守臣者必用儒臣儒臣之事業非積數

十年殆未易成也帝曰果爾可官其人楚材請校試之乃命課稅使劉中楊奐隨郡考試以經義詞賦論分爲三科儒人被俘爲奴者亦令就試其王臣罪遣者死得士凡四千三十人免爲奴者四

之二楚材又請一衡量立鈔法定均輸庶政略備民稍蘇息

續通鑑九

十帝嗜酒晚年尤甚楚材屢諫不聽乃持酒槽鐵口以獻曰此鐵爲酒所蝕尙如此況人五臟邪帝乃少減是歲二月疾篤脈絕六皇后不知所爲召楚材問之楚材對曰今任使非人竇官鬻獄囚繫非辜者多宜赦天下后亟欲行之楚材曰非君命不可頃之帝少蘇后以爲言乃首肯之赦發而脈復生十一月疾愈楚材推太乙數謂不宜田獵左右皆曰不騎射何以爲樂出田五日還至烏特古呼蘭諤多拉哈瑪爾

原作奧都刺合蠻

進酒歡飲極夜乃罷翌日殂

初蒙古主有旨以孫錫哩瑪勒爲嗣至是后召楚材問之楚材曰

此非外姓臣所敢知自布先帝遺詔幸遵之后不從遂稱制于和

林通鑑卷九十二謬多拉哈瑪爾專政權傾中外后至以御寶空紙使自

書填楚材曰天下者先帝之天下朝廷自有憲章今欲索之臣不

敢奉詔又有旨凡謬多拉哈瑪爾所建白令史不為書者斷其手

楚材曰國之典故先帝悉委老臣令史何與焉事若合理自當奉

行如不可行死且不避况截手乎后不悅楚材憤悒成疾而卒或

譖之曰楚材為相二十年天下貢賦半入其家后命近臣覆視之

惟琴阮十餘及古今書畫金石遺文數千卷而已通鑑九十二楚材天

資英邁歷代名臣言行錄二十二才智淵深尊經崇聖隨事規箴古品錄六每陳

國家利病生民休戚辭色懇切太宗嘗曰汝又欲為百姓哭耶楚

材每言興一利不若除一害生一事不若減一事人以爲名言宋史

紀事本末文宗至順元年追封廣甯王諡文正子鉉鑄元史

九十九

列傳

鑄字成仲幼聰敏普屬文尤工騎射楚材薨領中書省事時年二十三鑄上言宜疎禁網遂采歷代德政合於時宜者八十一章以

進從憲宗征蜀領侍衛驍果軍屢出奇計攻下城邑乙未憲宗崩

額呼布格

原作阿
里不阿

叛鑄棄妻子挺身自朔方來歸世祖嘉其忠卽

日召見賞賜優厚中統二年拜中書左丞相

元史
列傳

監修遼金史尋

將兵備禦北邊引兵扈從敗額呼布格

原作阿
里不阿

於上都至元初奏

定法令三十七章俄命行省山東遷調所部官屬尋召還

元史
編十一

初清廟雅樂止有登歌詔鑄製宮懸八佾之舞四年春三月樂舞

成表上之仍請賜名大成制曰可十年加平章軍國重事朝廷有

大事必諮訪焉十四年冬以雨雪愆期帝使問便民事鑄曰足食

之道唯節浮費靡穀之多無踰麴糴况自周漢以來常有明禁所

神賽社費亦不貴宜一切罷止十九年復拜左丞相奏言有司以

采室女乘機害民請令大郡歲取三人小郡二人擇其可者厚賜其父母否則遣還庶不致大擾並從之

元史類編十一

二十年冬十月坐

不納職印妄奏東平人聚謀爲逆間謀幕僚及黨罪囚阿里沙罷免仍沒其家貲之半徙居山後二十二年卒年六十五子十一人希微希勃希亮希寬希素希固希周希光希逸淮東宣德慰使餘失其名至順元年追贈懿甯王謚文忠

元史列傳

希亮字明甫初六皇后命以齊達濟氏歸鑄生希亮於和琳南之

涼樓曰托果斯

原作禿忽斯

六皇后遂以其地名之故亦曰托果斯憲

宗嘗遣鑄數錢糧于燕鑄曰臣先世皆讀儒書儒生俱在中土願攜諸子往就學許之比至燕令希亮師事北平趙衍時方九歲未浹旬已能賦詩憲宗征蜀鑄扈從南伐希亮亦在行憲宗崩希亮將輜重北歸陝右瑄塔噶叛鑄子身歸朝瑄塔噶怒使人監視希

亮母子脅之行至西涼甘州會叛將阿勒達爾自和林至見希亮

問而父安在對曰不知與吾父共事者宜知之瑣塔噶話曰我焉

得知而父今亡命東見皇帝矣希亮曰若然則何謂不知使吾知

之亦從而去安能獨留

元史類編十一

阿勒達爾以爲實免其監涖既而

阿勒達爾瑣塔噶爲大兵所殺衆推哈喇布哈

原作哈不花

爲帥元史列傳

帥故與鑄有婚姻鑄又嘗周恤其病至是謂希亮曰我受而父恩

今於汝報遂釋希亮縛北走希亮兄弟相扶攜徒步萬里不火食

者常累日是歲中統元年也三年從定宗幼子大名王與宗王阿

勒呼木師至布拉城與哈喇布哈兵戰

元史類編十一

敗之盡殲其衆二

王乃函其頭遣使報捷四年至喀什噶爾

原作可失哈

里城世祖遣布哈

綽克至二王所因以璽書召希亮馳驛赴闕八月入覲世祖於上

都之大安閣備陳邊事及羈旅困苦之狀

元史列傳

上憐之賜鈔幣授

爲符寶郎

元史類編十一

世祖常命希亮問宋諸降將日本可伐否衆皆

曰可希亮獨曰宋與遼金攻戰且三百年干戈甫定人得息肩俟

數年後興師未晚世祖然其言

元史類編十一

太府監令盧贄言于監官

各路所貢布長三丈惟平陽加一丈諸集襄台以故爭取平陽布

苟截其長者與他郡等則無所爭而以其所截者爲髹漆宮殿器

皿之用甚便監官從之適左右以其事聞帝以詰監官監官倉皇

莫知所以對歸罪于贄帝命斬之希亮遇諸塗贄以冤告希亮命

少緩具以實入奏有旨令董文忠獻之竟釋贄而召御史大夫塔

齊爾讓之曰此事言官當言而不言向微托果斯不誤誅此人耶

元史

列傳果遷吏部尙書帝駐蹕察納兒台之地希亮至奏對畢文用

問大都近事希亮曰囹圄多囚耳世祖方欹枕臥忽寤問其故奏

曰近有旨漢人盜鈔六文者斬以是日多帝驚曰孰傳此言侍臣

托爾齊曰陛下在南坡會以語蒙古兒童帝曰前言戲耳曷嘗著

爲令希亮曰令旣出矣必明其誤以安民心帝卽令希亮至大都

宣諭并釋囚者希亮以跋涉西土久足疾痿舉乃謝事居澤陽二

十餘年武宗立特除翰林學士承旨兼修國史希亮因類次世祖

嘉言善行以進英宗取其書置禁中泰定四年卒于京年八十一

追封漆水郡公諡忠嘉元史類編十一希亮性至孝困厄近方家貲散亡

已盡僅藏祖考畫像四時就穹廬陳列致奠盡誠盡敬朔漢之人

咸相聚來觀歎曰此中土之禮也雖疾病不廢書史或中夜起坐

取燭以書所著詩文及從軍紀行錄三十卷目之曰憐軒集元史列傳

史秉直大都路永清人祖倫少好俠因築室發土得金始饒於財

永清周志金末中原塗炭元史列傳歎曰財者人之命也何可獨享遂徧周

貧乏臣鑑錄建家塾招徠學者所藏活豪士甚眾士族陷爲奴虜者

輒出金贖之

元史列傳

章宗泰和甲子歲大祲

元清周志列傳

按元史於

號混稱甲子非

發粟八萬石賑饑者父成珪倜儻有父風遭亂盜

賊四起悉散家財唯存廩粟備非常秉直讀書尚氣義

元史列傳

癸酉太師國王穆呼哩

原作木華黎

統兵南伐所向殘破秉直聚族謀

曰方今國家喪亂吾家百口何以自保既而知降者皆無恙即率

鄉里數千人詣涿州軍門降穆呼哩欲用秉直秉直辭而薦其子

乃以天倪為萬戶而命秉直領降人家屬屯霸州秉直拊循有方

遠近來附者十餘萬家尋遷之漠北降人道饑秉直所得牛羊悉

出以食全活尤眾

元史史天倪傳

太祖九年甲戌

元清周志

從下北京詔以烏

頁爾

原作吾也兒

為北京路都元師秉直行尚書六部事

元史史天倪傳

爾雖為大帥其軍府事一委秉直

劉祁史公神道碑

秉直主餽餉軍中未

嘗乏絕

元史史天倪傳

庚寅老疾謝歸鄉里

元清周志

遣放用兵俘獲為奴隸

者二百餘還為齊民時時幅巾羸馬逍遙園亭里巷間人不知其

為貴人又種竹蒔花以閑自適

神道碑

卒年七十一子天倪次天安

次天澤

元史天倪傳

初天倪之赴真定也秉直戒之曰觀武仙辭氣終

不為我用宜早備之天倪曰我以赤心待人人或相負天必不容

願無慮尋果及禍

元史類編十七

至是人服其先識

元史天倪傳

天倪字和甫

一統志

始生之夕白氣貫庭成童姿貌魁傑有道士見

而異曰封侯相也及長好學日誦千言大安末舉進士不第乃歎

曰大丈夫立身獨以文乎哉使吾遇荒雞夜鳴擁百萬之眾功名

可唾手取也穆呼哩見而奇之

元史列傳

奏為萬戶

元史穆呼哩傳

統諸降卒

從穆呼哩略地三關已南至於東海所過城邑皆下因進言於穆

呼哩曰

元史列傳

金棄幽燕遷都於汴已為失策遼水東西諸郡金腹

心也若得大甯以扼其喉襟則金雖有遼陽終不能保矣穆呼哩

善之初天倪曾祖卒時河朔諸郡感其德結清樂社四十餘每社

近千人歲時像祀至是天倪選勇壯者萬人爲義兵號清樂軍以

從兄天祥爲先鋒所向無敵分兵略三河薊州諸塞望風歎服元史

十七甲戌朝太祖於燕之幄殿所陳皆奇謀至計大稱旨賜金符

投馬步軍都統管領二十四萬戶從穆呼哩攻高州又從攻北京

皆不戰而克元史秋七月授元帥賜金虎符命南征八月天倪取

平州金經略使奇珠原作降進兵真定所屬部邑無不歛

附而真定帥武仙固守不下遂移軍圍大名眾謂城堅不可擊天

倪循視良久使兵攻西南隅勁卒屢上屢卻天倪一躍而登守者

辟易遂破其城宋清丙子會穆呼哩兵於燕南青州監軍王守約

平州推官哈達俱以叛連謀越海歸金天倪追襲至樂安哈達以

益都行省孟古原作忙古兵來拒敗之殺守約擒孟古斬首萬級丁丑

徇山東諸郡部卒有殺民豕者立斬以徇軍中肅然遠近響應元史

列傳中山趙邢威磁洛諸州郡皆下又從穆呼哩徇河東至絳州元史

類編絳人贅石爲圓樓禦敵居高臨下牢不可破天倪穴地爲堊

地虛樓傾遂克絳永清志穆呼哩喜賞以繡衣金鞍名馬庚辰還軍

真定武仙降穆呼哩承制以天倪爲金紫光祿大夫河北西路兵

馬都元帥行府事仙副之元史天倪說穆呼哩曰今中原已鑒定

而大兵所過猶縱鈔掠非王者弔民伐罪之意且王爲天下除暴

豈可效他軍所爲乎穆呼哩善之卽下令禁剽掠遺所俘老幼通鑑

輯覽辛巳降懷潞澤三州壬午破濟南水砦癸未徇山西遂克三

關不浹旬兵至河衛喜曰河衛者夷門之限也河衛旣破夷門豈

可守乎時東平嚴實以兵來赴請自攻河衛天倪曰金將哈達布

哈亦勁敵也實曰易與耳保爲公破之明日實與布哈兵遇於南

門哈達兵自北奄至實兵敗竟爲所執天倪曰哈達以實歸汴度必在今夕選壯士伏延津柳渡果夜縛實過遇伏戰敗實得脫歸

未幾帝命天倪回軍真定

元史類編十七

甲申夏大名總管彭義斌以宋

兵犯河朔天倪逆戰於恩州義兵敗入保大名乙酉師還聞武仙之黨據西山腰水鐵壁二砦以叛天倪直搗其巢穴盡掩殺之仙

怒謀作亂乃設宴邀天倪有知其謀者止天倪毋往天倪不從遂

爲仙所殺

元史列傳

年僅三十九死之前一日擊鞠夜歸有大星隕馬

首聲頗震心惡之尋果及禍

元史類編十七

妻程氏聞亂亂恐汚於賊乃自

殺子五人其三人尙幼俱死於難惟楫權在

元史列傳

天安字全甫元太祖八年癸酉從秉直降太師穆呼哩以其兄天

倪爲萬戶而質天安軍中丁丑與天祥從討錦州叛人張致平之

已卯從略地關右生擒鄜州張資祿資祿號鐵槍驍將也

永清志乙

西武仙殺天倪於真定

元史史樞傳

天澤進軍野頭天安亦提兵來赴

元史史天澤傳

併力攻仙敗走之以功授行北京元帥府事撫治真定庚

寅宋聚兵邢之西山聲言為仙援遣其徒趙和行間城中誣倖副

李甲劉清嘗輪欸為內應守將械兩人送府大帥趣命戮之天安

揣知其詐請自鞠之果得其情遂斬和以徇壬辰從伐金師還討

劇盜梁滿蘇傑等悉平之甲午宣權真定等路萬戶賜金符

元史史樞

傳丙午入覲賜黃金裘馬乙卯卒子樞

永清周志

天澤字潤甫身長八尺吐轡如洪鐘

元史史樞編十一

善騎射勇力絕人

黃道

周廣名將傳十一

從其兄天倪帥真定乙酉春天倪遣天澤護母北歸甫

行而天倪為武仙所害府僚王縉王守道追天澤於燕日變起倉

猝部曲散走多在近郊公能迴轡南行不招自至矣天澤毅然曰

兄弟之讐不返兵雖死何敢避况未必死耶即傾貲裝易甲仗南

還行次滿城得士馬甚眾遣天澤攝行軍事遣監軍李伯祐詣國

王博驪

原作李魯

言狀且乞濟師天澤時爲帳前軍總領博驪承制命

紹兄職命寔訥岱

原作笑乃得

率蒙古軍三千人援之合勢攻仙生擒

仙將葛鐵槍仙奔雙門遂復眞定宋大名總管彭義斌陰與仙合

欲取眞定天澤同寔訥岱扼諸贊皇仙不得進義斌勢蹙焚山自

守天澤遣銳卒摧鋒而入自以鐵騎繼其後擒義斌斬之

黃道周廣名將

傳既而仙遣謀者潛結死士匿城中爲內應夜斬關入據城天澤

踰城東出至蘆城求援董俊俊授以勁卒夜赴眞定會寔訥岱兵

亦至捕叛者三百餘人仙挾數騎退保西山抱犢砦寔訥岱忿民

之反覆驅萬人至城下將殺之

元史類編

天澤曰彼皆吾民我力不及

一旦委去爲賊所脅殺之何罪力爭得釋乃繕城壁立樓櫓爲不

可犯之計招集流散存恤困窮以抱犢諸砦爲仙巢穴不卽剪覆

終遣後患

宋清周志

急攻下之仙乃遁去繼又取蟻尖馬武等砦而相

衛亦降

元史列傳

己丑太宗卽位議立三萬戶分統漢兵天澤適入覲

命爲眞定河間大名東平濟南五路萬戶庚寅金封武仙爲恆山

公屯兵於衛天澤合諸軍圍之金將完顏哈達以眾十萬來援戰

不利諸將皆北天澤獨以千人繞出其後敗一都尉軍與大軍合

攻之仙又遁遂復衛州

宋清周志

壬辰春太宗由白坡渡河詔天澤以

兵由孟津會河南

元史列傳

癸巳春金主令完顏拜姓

原作白撒

自黃陵岡

來襲新衛天澤率輕騎馳赴之比至圍已合天澤奮戈突至城下

呼守者曰汝等勉力援兵且至復躍出其眾皆披靡遂與大軍夾

攻之拜姓等敗走蒲城天澤尾其後拜姓等兵尙入萬俘斬殆盡

金主以單舸東走歸德天澤追至歸德

黃道周廣名將傳

達魯噶齊薩奇

森布哈欲薄城背水而營天澤曰此豈駐兵之地乎彼若來犯則

進退失據矣不聽會天澤以事之忤比還薩奇森布哈全軍皆沒

元史大軍圍蔡天澤當其北面結柵潛渡汝水血戰累日金亡天

澤始還真定時政煩賦重民貸羊羔利錢以輸官繼以歲饑積銀

至一萬三千錠天澤傾家資率族屬官吏代償之又請以中戶爲

軍上下戶爲民著爲定籍尋移軍伐宋乙未從皇子庫春

原作曲出攻

襄陽襄陽又從宗王昆布哈圖光州攻壽州乘勝而南所向輒克

元史世祖時在藩邸極知漢地不治河南尤甚請以天澤爲經略

使至則興利除害政無不舉誅郡邑長貳之尤貪橫者二人境內

大治

元史

列傳戊午秋憲宗取蜀駐合州軍中大疫方議班師

元史宋

將呂文德以艤艘千餘泝嘉陵江而上北軍迎戰不利天澤分軍

爲兩翼跨江駐射親率舟師順流縱擊三戰三捷奪戰艦百餘追

至重慶而還

永清志

中統元年世祖卽位首召天澤問以治國安民

之道

元史列傳

天澤疏對大略請立省部以正紀綱設監司以督諸路

需恩澤以安反側除暴殘以任賢能頒祿秩以養廉節禁賄賂以

防奸慝帝皆嘉納

元史類編

六月撤江上軍以天澤為江淮經略使

通鑑

輯覽九十三

帝問竇默曰

永清周志

朕欲求如唐魏徵者豈有其人乎默曰

深謀遠慮有宰相才則史天澤其人也

通鑑輯覽

帝以為然

永清周志

二年

夏五月以天澤為中書右丞相

通鑑輯覽

天澤既相事皆讓同官曰天

澤本武臣何克負荷但物移未安者老夫通譯其間為諸君條達

耳

中堂事紀

先定省規十條以正庶務李璫反

元史類編

命諸王哈必齊

原作

赤

總諸道兵擊璫復命天澤往聞璫入濟南笑曰豕突入豈無

能為也至濟南謂哈必齊曰璫多謠而兵精不宜力角當以歲月

斃之乃深溝高壘遏其侵軼凡四月城中食盡軍潰出降生擒璫

斬於軍門

元史列傳

初天澤將行帝臨軒授詔俾諸將皆聽節度天澤

至軍中未嘗以詔示人及還帝慰勞之悉歸功諸將當憲宗時嘗

奏言臣始攝兄職今臣兄有二子分掌兵民臣復任經略使一家

處三要職臣竊不安乞賜罷帝不許至是言者謂李璫之變由外

藩權太重天澤復奏兵民之權不可盡專一門乞罷子弟之在官

者行之請自臣家始於是史氏子姪即日解兵符者十七人元史類編

至元三年以天澤爲樞密副使四年改中書左丞相黃道周廣六名將傳

年帝以宋未附元史列傳益兵圍襄陽遣天澤與宗王大臣往經畫之

天澤至築長圍起萬山包百丈山令南北不相通又築峴山虎頭

山爲一字城連亘諸堡以立久駐必取之基通鑑七年以疾還燕

八年進開府儀同三司平章軍國重事仍敕兩省院臺惟與聞大

政不責常格永清周志十年春襄陽降元史列傳阿爾哈雅言荆襄自古用

武之地已爲我有宋必可平趣召天澤同議天澤對曰此國大事

可命重臣一人如安圖巴延督都諸軍則四海渾同可計日而得

臣老猶足爲副

續資治通鑑一百八十一

十八年詔天澤與丞相巴延總大軍

自襄陽水陸並進

元史列傳

天澤至郢病篤詔還

通鑑

遣侍臣賜以葡

萄酒且諭之曰卿自朕祖宗以來躬擐甲胄跋履山川宣力多矣

又卿首事南伐異日功成皆卿力也勿以小疾阻行爲憂可且北

歸善自調護還至真定帝又遣其子杠與尙醫馳視賜以藥餌天

澤因附奏曰

元史列傳

臣死不足惜但願天兵渡江慎勿殺掠語不及

它遂卒

續資治通鑑一百八十一

帝震悼

元史列傳

謚忠武追封鎮陽王天澤平居

未嘗自矜其能及臨大事毅然以天下自任年四十始折節讀書

立論多出人意表拜相之日門庭悄然或勸以權自張天澤舉唐

韋澳告周墀之語曰願相公無權爵祿刑賞天子之柄何以權爲

言者慙服

續資治通鑑一百八十一

當金末名士流寓失所悉爲治其生理而

賓禮之後多顯達破歸德釋李大節不殺而送至真定署為參謀
衛為食邑命王昌齡治之舊人多不平而莫能間其知人之明用
人之專如此是以出入將相五十年上不疑而下無怨人以比於

郭子儀曹彬云子格元史列傳

博字大濟天倪死後十四年永清周志按元史知中山府事尋

遷征南行軍萬戶翼經略徇地蕲黃善撫士卒所向有功王寅天

澤引楫入見太宗元史列傳按元史作王寅天澤引楫入見太

寅為乃馬真太后稱制之年時事全不合按史天澤傳職事在

憲宗朝而憲宗四年歲在甲寅或是甲寅為王耳憲宗本紀是歲

擢史遷行征萬戶以真定相柔懷孟諸軍配之又以史權屯鄧州

或用楫即在其時然姑存此說亦不敢遂決為是也又王渾作家

傳亦載此事於太宗朝與權為唐卸萬戶並載而樞為新軍萬戶
則載於憲宗時與當時情形亦不盡合而王若神道碑又云讓位
在世祖時蓋元人奏曰臣兄天倪死事二子尚幼臣受詔攝兄職
之文已不一律矣

今楫已漸長乞解還職元史列傳十七太宗歎曰但聞爭官者多讓官者

少卿此舉殊可嘉尙朕自有官界之卽詔楫爲眞定路兵馬都總

管

元名臣
事略七

會朝廷始徵包銀楫請以銀與物折仍減其元數詔從

之著爲令各道以楮幣相貿易不得出境二三歲輒一易鈔其本

日耗商旅不通楫請立銀鈔相權法人以爲便或請運鹽按籍計

口給民以食楫爭其不可曰鹽鐵從民貿易何可準差稅利苦抑

配之議遂寢

元清
周志

元氏民有怨府僚於上官者質之無實將抵死

楫力爲寬解達官曰是欲陷汝輩死地者反救之何耶楫曰誅之

固足懲後弗若宥之以愧其心況人命至重豈宜以妄言故加極

刑乃杖而遣之中統元年授眞定路總管同判本道宣撫司事眞

定表山帶河連屬三十餘城生殺進退咸倚專決楫謹身率先明

政化信賞罰任賢良汰貪墨恤癯獨民咸德之所舉州縣佐史有

文學者三十餘人後皆知名

元史
列傳

四年以天倪前爲武仙所殺以

仙第賜楫居之

元世祖紀

會天澤言罷兵柄楫卽日解綬歸卒年五十

九

永清周志

權字伯衡勇而有謀初以權萬戶從天澤南征歲壬子天澤以萬

戶改河南經略使乃以權代其任甲寅屯軍鄧州敗宋將高達於

樊城

元史列傳

世祖自將伐宋次鄂州聞憲宗崩北還乃命權總兵鎮

江北岸之武磯山

元史編十七

中統元年降詔獎諭賜金虎符授真定

河間濱棣邢洺衛輝等州路併庠哩紇軍兼屯田州城民戶沿邊

鎮守諸軍總管萬戶其所屬千戶萬戶悉聽號令

元史列傳

至元六年

召赴闕問以征南之策對曰襄陽爲江陵之藩蔽樊城乃襄陽外

郭若先破樊城則襄陽不攻自下然後駐兵嘉定耀武淮泗事必

有濟帝善其議

元史類編

七年宋兵侵邊權引兵趨荆子口大破之帝

賜白金五百兩權悉以分勞士卒宋將夏景以船萬艘載壯士欲

奪江面權進攻破之帝賜以衣幣弓矢鞍勒既而轉糧於隨貴復引兵扼我前路權戰破之賜白金七百兩制授河南等處宣撫使未上賜金虎符充江漢大都督總制軍馬總管屯田萬戶元史亦因天澤請罷兵柄授權鎮國上將軍眞定等路總管兼府尹徙東平又徙河間卒永清周志

樞字子明年二十餘以勲臣子知中山府有治績初藉新軍天澤

元史

列傳曰吾兄弟三人大兄之子俱顯仲之子未也幸先之使者歎

服元名臣

乃奏樞爲征行萬戶配以眞定彰德衛州懷孟新軍戊

唐鄧乙卯敗宋舟師於漢水之鴛鴦灘賜金虎符元史

列傳戊午憲宗

伐宋入自蜀從天澤朝帝行在帝勞之曰卿久鎮東方茲復遠來

勤亦至矣樞對曰臣之祖父受國厚恩今陛下親御六師暴露萬

里之外臣敢不竭死力

永清周志

帝壯其言命爲前鋒時宋劍州僑治

苦竹崖前阻絕澗恃險而不備帝使樞率健卒數百縋而下宋兵
降翼日大宴帝顧皇后命飲樞酒且諭新附渠帥曰國家自開創
以來未有皇后賜臣下酒者特以樞父子世篤忠貞故寵以殊禮
有能盡瘁事國者禮亦如之己未從天澤擊敗宋將呂文德於嘉
陵江追至重慶而還賜黃金白金及錦永清周志世祖卽位改賜金虎
符中統二年從天澤扈駕北征三年李璫叛據濟南復從天澤往
討之城西南有大澗亘歷山樞一軍獨當其險夾澗而城豎木柵
於澗中淫雨暴漲木柵盡壞樞曰賊乘吾隙俟夜必出命作葦炬
數百置城上逮三鼓賊果至飛炬擲之風怒火烈弓弩齊發賊眾
大潰自相蹂躪死者不可勝計未幾璫就擒至元四年宋兵圍開
達諸州以樞爲左壁總帥佩虎符凡河南山東懷孟平陽太原京
兆延安等軍悉統之宋兵聞之解去元史列傳六年高麗人金通精據

珍島以叛討之歲餘不下七年以樞爲鳳州經略使樞至謂諸將
曰賊勢方張未易力勝況炎暑海氣蒸鬱弓力弛猝不可用宜分
軍爲三多張旗幟以疑之吾與諸軍潛師搆其巢穴破之必矣如
其言賊果大創珍島悉平十二年復以萬戶從丞相巴延伐宋賜
錦衣寶鞍弓矢甲馬仍給天澤帳下士十人以從宋亡署安吉州
安撫使時新附之初民多依險阻自保樞以威信招懷之復業爲
民者以千萬計永清周志十四年移疾還十九年起爲東京路總管辭
不赴二十三年拜中奉大夫山東東西道宣慰使治濟南後又治
益都二十四年卒年六十七元史列傳

格字晉明憲宗二年王子賜天澤衛城授格節度使憲宗崩格北
留謙州五年而歸爲鄧州舊軍萬戶又代張宏範爲亳州萬戶從
攻襄陽下之賜白金裘馬永清周志至元十一年阿珠襲青山磯遂渡

江格一軍先渡爲宋將程鵬飛所敗

通鑑輯覽九十四

格被創尋復大戰

中流矢鵬飛身亦被創敗走樞密院奏格輕進當議罪帝念其功

永清周志

俾從平章阿爾哈雅

原作阿里海牙

攻潭州砲激柵木傷肩矢貫其

手裏創先登拔之遂以軍民安撫留戍入覲加定遠大將軍賜以

天澤所服玉帶

元史列傳

從攻靜江眾以輶輜自蔽鑿城格所當砲礮

雨下車不得前乃伺隙率眾攀堞而上拔之

永清周志

徇廣西十三州

廣東三州皆下

元史列傳

靜江被兵久溪洞諸蠻皆降雲南格遣使招

諭來者五十州雲南爭之事聞詔聽格節度

元史類編十一

陞廣西宣撫

使改鎮國上將軍廣南西道宣慰使宋亡陳宜中張世傑奉益王

昀衛王昺

按元史作廣王誤

據福州立益王卽端宗也傳檄嶺海欲復其

地詐言夏貴已復瀕江州郡諸戍將以江路旣絕不可北歸皆託

計事還靜江格曰待貴踰嶺審不可北歸吾與諸君取塗雲南而

歸何可先懼虛聲輒棄戍哉

永清周志

行省議棄廣東之肇慶德慶封

州併兵戍梧州格曰棄地撤備示敵以怯不可宜增兵戍之

元史列傳

劇賊蘇仲集潰卒據鎮龍山耕植於內官軍畏暑莫敢入橫象賓

貴四州皆被其害格築堡於其界守以土兵令官軍火其廬柵民

踐其禾稼仲窮蹙遂降

元史類編

宋兵破尋州斬李辰李福靜江扎抵

泉永皆城守羅飛圍永凡七月不下判官潘澤民間道告急格分

兵赴之殄其眾宋端宗崩衛王立即後少帝也少帝趣廣州避海

中崖山格遣說降不可進兵攻之世傑將兵數萬欲復取雷州戍

將劉仲海擊走之後悉眾來圍城中絕糧格漕欽廉高化諸州粟

給之世傑解圍去詔格戍雷州宋亡

永清周志

張宏範請復將臺州軍

乃遷格鄧州舊軍拜參知政事行廣南西道宣慰使入覲拜資德

大夫湖廣行中書右丞移江西右丞尋復爲湖廣右丞進平章政

事

元史列傳

聚書萬卷鼎彝圖書一室號曰裕齋

姚燧史公神道碑

卒年五十

八

元史列傳

史進道字道遠秉直弟也

據史氏慶源碑

元太祖癸酉元兵長驅燕趙進

道與兄計之兄曰此天威也殆非人力所可當遂共白於母母曰風聲如此其盛吾亦決以天道莫若順之可得保全汝曹宜識之遂偕兄拜太師國王穆呼哩穆呼哩見進道人品不凡深加撫慰令總兵事進道行陣和睦號令嚴明攻取有裕進退有法克獲甚眾穆呼哩稱之甲戌三月還師圍守中都八月復進兵圍守北京乙亥三月城降進兵攻興州趙守玉望風送款以勦尋進進道義州節度使以興州舊隸北京乃復屬之命進道管領北京勾當復命進道留守北京進道治北京十有餘年但推誠御眾不爲鈞距鉗戾譎詐之事其於治也輕徭薄賦憫弱抑強以清嚴爲用仁慈

爲體不要虛譽務施實德閭境之內家給人足咸樂其生常謂人

曰人生處世幼不能事父母長不能事兄長於義誠有闕矣且吾

有老兄別居鎮陽吾嘗思之每馳神南邁吾兄得毋引領北向乎

慨然爲之變色其天資孝弟如此卒年六十有五

段紹先史公神道碑

史天祥父懷德秉直從弟

永清周志弟今考史氏

按元史以懷德爲秉直之

仲氏之孫是初隨秉直迎降於涿穆呼哩命懷德就領其黑軍隸

從祖弟也帳下署天祥都鎮撫選降卒二百人使領之招徠丁壯得衆萬餘

從取霸州滄濱等城東下淄沂密三州所至皆先登從略高州拔

金源等十五城惟大甯固守不下

元史類編十七

天祥獲金將完顏呼遜

穆呼哩欲殺之天祥曰殺一人無損於敵適驅天下之人爲吾敵

也且其降時嘗許以不死今殺之無以取信於後不若從而用之

乃以爲千戶復合衆攻其城懷德先登擒其二將爲流矢所中殺

於軍乃以所統黑軍命天祥領之天祥憤痛其父之死攻之愈急

乙亥與大帥烏頁爾降其北京留守伊勒都呼同知烏庫哩進攻

北京傍近諸寨元史列傳磨雲山王都統首詣軍門降天祥命入列嶺

擒都統保喇原作不刺釋其縛說以利害保喇感泣願效死永清周志天祥

察其誠許與王都統往說降城子崖旺嘉努原作王嘉奴乃命三人各

將舊卒付空名告身使諭樓子崖等二十餘寨悉降得老幼數萬

勝兵八千西乾河達原作答魯五指山楊昭努原作趙奴獨固守不下天

祥擊之大小百餘戰昭努死達魯敗走得戶二萬授西山總帥兵

興州節度使趙守玉反天祥與烏頁爾分道討平之達魯復聚眾

攻龍山以槊刺烏頁爾中胸隨墮馬天祥馳救得免復整陣出戰

大敗之斬首八千級達魯戰死進克中興府元史列傳張致盜據錦州

從穆呼哩討平之得黑軍五百人元史列傳丙子春觀太祖於魚兒渚

賜金符授提控元帥拔蓋金蘇復等州獲金完顏努耶律神都馬
遷鎮國上將軍利州節度使黎許部降民都總管監軍兵馬元帥
丁丑夏盜祁和尚據武平討平之縛金將巢元帥又滅重兒盜衆
萬人城於興州之車河己卯權兵馬都元帥蒙古漢軍黑軍並聽
節制下河東平陽河中奇嵐絳石隰吉廓等入十餘城還師真定
穆呼哩怒其久不下欲攻城天祥請曰攻之恐戮及無辜不如先
往諭之苟其不從攻之未晚遽往見武仙諭以禍福仙悟出降元史
列傳烏頁爾請留天祥守之穆呼哩曰天下未定智勇士可離左右
乎乃以天倪鎮真定而使天祥引兵南屯邢西遙水山下元史
兄貴以萬人壁於山上負固不下天祥攜完顏呼遜及黑軍百人
由鳥道拔援而上盡掩捕之仙驚曰公若有羽翼者不然何其能
也遂下邢磁相三州從戰黃龍岡破單勝充三州穆呼哩圍東平

久不下怒烏頁爾不盡力將手斬之天祥請代攻穆呼哩喜付皮
甲一又與己鐵鎧並被之盛戰不已穆呼哩使人止之曰爾力竭
矣宜少休復以金鞍名馬與之辛巳從取綏德鄜坊等五十餘城
壬午穆呼哩攻青龍金勝諸堡花帽軍堅守不下既破欲屠之天
祥力諫而止獲壯士五千人癸未春還軍河中穆呼哩上其功賜

金虎符授蒙古漢軍兵馬都元帥總十二萬戶鎮河中

元史列傳
按此事

在太祖癸亥未攻太祖初置蒙古左右手及中軍萬戶以木華黎傳
爾木約牙爲之漢軍則有劉伯林粘合重山二萬戶此十二萬戶
未詳何時增置冬徇西夏破賀蘭山還遇賊射傷額出血目爲之昏甲申

歸北京授右副北京等七路兵馬都元帥太宗元年庚寅朝帝於
盧朐河乞致仕不允辛卯太宗用兵河南強之從行轉漕河上給
餉諸軍壬辰命天祥領汴京百工數千屯霸州之益津行元帥府
事賜錦衣一襲初天祥夜中流矢鏃入頰骨不能出至是金瘡再

發鐵自口出睿宗時爲皇弟聞而憫之授海濱和衆利州等處總

管兼領霸州御衣局人匠都達魯花赤行北京七路兵馬都元帥

府事憲宗八年秋九月以疾卒年六十八周志天祥幼有大志長

身駢脅力絕人性不嗜酒喜稼穡好施予乙未括戶縱其奴千餘

口俾爲民晚雖喪明憂國愛民之心未嘗忘也元史列傳

薛塔喇海原作薛塔喇海燕人也剛勇有志歲甲戌太祖引兵至北口元史

列帥所部三百餘人歸之元史帝命佩金符爲礮水手元帥屢有

功進金紫光祿大夫佩虎符爲礮水手軍民諸色人匠都元帥便

宜行事從征回回河西欽察輝和爾喀喇奈曼阿勒呼木呼察都

哩木薩蘭諸國俱以礮立功太宗三年睿宗引兵自洛陽渡河塔

喇海由隴右假道金商遂會師於鈞州三峯山敗金師四年破南

京及唐鄧鈞許諸州取鄧陵扶溝四月卒于達實拉原作毒襲爲

都元帥南攻江淮有功歲庚戌卒弟結桑原作軍勝襲憲宗八年從世

祖攻釣魚山苦竹崖大林平青居山破重慶馬湖天水賜以白金

鞍馬等物中統三年李璿叛濟南又以礮破其城至元五年從圍

襄陽三月卒丞相阿珠欲以千戶劉添喜攝帥府事子四嘉努原作

西家年方十六請從軍自効帝壯而許之元史八年襲父爵十年

冬襲樊未下四嘉努立礮攻之明年襄陽守呂文煥降繼從丞相

巴延南伐十月至郢州先登宛平師既渡江四嘉努自鄭州下沿

海諸城堡至建康十二年授武節將軍六月與宋將夏貴戰於峪

溪口奪其船二百餘艘十一月取常州十二月取蘇州十年攻鎮

巢七月圍揚州守臣李庭芝棄城走追獲之九月進階懷遠將軍

將兵不浙東諸郡從征福建灤江與宋兵力戰破之獲戰艦千餘

艘十六年進階鎮國將軍鎮揚州二十三年改爲萬戶元史列傳

楊格濟格

原作傑只哥

燕京寶坻人

一統志

世業農少有勇略太祖略地

燕趙率族屬來降從攻遼左及定西夏諸路有功

元史類編

己丑

睿宗賜以金幣命從額斯倫攻信安額斯倫知其材略出諸將石

命裁決軍務信安城四面阻水

元史列傳

其帥張進久不降格濟格曰

彼恃巨浸我師進不得利退不得歸不若往說之進見其來怒曰

吾已斬二使汝不懼死耶格濟格從容言曰今齊魯燕趙地方數

千里郡邑聞風納款獨君恃此一城內無軍儲外無兵援亡可立

待爲君計者不如請降可以保富貴而免死亡進默然曰姑待之

凡三往乃降辛卯大名守蘇椿叛討獲之衆議屠城格濟格曰怒

一人而族萬家非招徠之道也乃止由是滑濟等州聞風納款王

辰師次徐州

元史列傳

阻河不得濟格濟格偵知有賊兵操舟伏草澤

中夜率勁卒憑河擊之奪其舟衆畢渡

元史類編

獲河南諸郡降人三

萬餘戶進攻徐州金將國用安拒戰格濟格率百餘騎突入陣中

迎擊於後大敗之擒一將而還元史時皇太弟駐兵觀戰喜曰此

眞飛將軍賜名拔都實抵洪志授金符命總管新附軍民元史太宗聞

之慰勞甚至實抵洪志特賜種田民戶租賦丁酉從額斯倫攻歸德格

濟格磨諸將縛草作筏渡濠抵城下梯城先登拔之由是進攻得

五州十縣四堡二寨元史宋兵至已登歸德城格濟格拒戰敗走

之率舟師追擊轉戰中流溺死元史

賈實喇原作昔刺燕之大興人木姓賈氏其父仕金爲扈人實喇體貌

魁碩有志於當世歲甲申囚近臣入見莊聖太后遂從睿宗於和

林典司御膳以其貌黃賜名實喇俾氏族與蒙古人同甚見親幸

又慮其漢人不習於風土令徙居濂州已復思之曰實喇在吾飲

食殊甘促召入供奉諸扈人皆隸焉世祖在潛邸知其厚重使從

迎皇后於鵠吉哩之地自是預謀帷幄動中機會內出銀三千兩

使買珍膳乘傳上太官恣其出入不問又賜以牝馬及駒三十四

并牧戶與之是時兵餘數以所賜分遺鄉里世祖卽位立尙食尙

藥二局賜金符提點局事卒追封聞喜郡侯諡敬懿元史英宗時

追封絳國公子酬尼賁宛平王

酬尼賁原作丑妮子按虞集宣方幼時世祖愛之嘗坐之御席

傍從征雲南躍馬入水斫戰船破其軍帝奇其勇敢而戒其輕銳

己未從伐宋還自鄴州卒追封臨汾郡公諡顯毅元史後進封絳

國公宛平王志子和爾齊原作虎林赤按碑作忽林赤智勇絕人額呼布格之叛出

其家名馬以助官軍從幸和琳中道值大風晝晦敵猝至擊走之

還佩其大父金符提點尙食尙藥二局厯尙膳使兼司農嘗入侍

帝問治天下何爲本曰重農爲本何爲先曰用賢爲先用賢則天

下治重農則百姓足帝深善之超拜宣徽使辭改僉院事仍領尚

膳使卒子圖沁布哈

原作禿堅不花

襲世職爲尙藥尙食局提點世祖以

故家子獨奇之謂他日可大用使在左右從征納延軍次杭愛敵

猝至帝令急擊之諸近侍見其勢盛多畏避圖沁布哈卽馳入其

陣疾戰破走之擒其首將以歸移軍輝罕

元史列傳

大風晝晦敵兵鼓

譟圖沁布哈奮擊身被十餘創猶力戰帝奇其勇

元史類編二十六

杭愛

叛者請降衆議以爲親犯王師宜誅之圖沁布哈獨曰杭愛本吾

人或誘之以叛豈其本心哉且兵法殺降不祥宜赦之帝曰圖沁

布哈議是遷同僉宣徽院事每論政帝前言直而氣不懾帝亦知

其直令察宿衛之事有才器者以名聞所論薦數十人用之皆稱

職時論歸之

元史列傳

成帝卽位諸侯王會於上京凡芻餼宴享之節

賜予多寡之分曲當上意帝喜曰宣徽得此足矣會帝弗豫入侍

疾一食一飲必親嘗乃進

元史類編二十六

帝悅賜珠袍超拜宣徽使

元史

列傳辭曰先臣服勤於此三世矣位不過僉佐臣何敢有加於此帝

嘉其退讓允其請

元史類編

九年北方克魯倫部大雪

元史列傳

奏往賑之

全活者數萬

元史類編

武宗至大初出金帛大賚北邊諸軍以圖沁布

哈諸習事宜使即軍中分給

元史類編

諸部大悅拜宣徽使

元史列傳

爲同

官賈廷瑞所嫉廷瑞請以宣徽院爲門下省尙書省奏廷瑞擅易

官制帝怒欲殺之圖沁布哈力諫不可帝曰賈廷瑞毀卿不直一

錢卿尙不知耶對曰廷瑞所坐不當死不敢以臣私隙誤陛下失

刑遂得免

元史類編

帝訪羣臣以治道圖沁布哈以爲治國安民之實

在於生財節用帝嘉納焉轉光祿大夫仁宗卽位加金紫光祿大

夫

元史列傳

延祐四年北方又被風雪爲災請賑之如大德時且出其

家私馬二百匹以爲助

元史列傳

時特克寶

原作鐵失

王廷顯皆同官也帝

賜特克實海船圖沁布哈曰此軍國之所資土不宜賜下不宜受

帝賜延顯玉帶延顯欲取大官羊錢萬緡充其價又執不可於是

嫉者甚眾

元史類編

七年以疾去官英宗即位特克實竟譖殺之後特

克實以大逆伏誅事乃白贈推忠宣力守諒功臣太傅開府儀同

三司上柱國追封冀國公諡隱後封翼安王

元史列傳

郭汝梅字和卿鄴陰人高祖世珍仕遼景宗為太尉司徒數蒙寵

賚嘗於私第賜地八千畝乃構大亭榜曰獨秀歲時拜掃為游息

之所聖宗統和六年承天太后伐宋

王謂郭公新堡碑

俘獲甚眾師次范

陽世珍上言降卒皆有父母妻子不無懷土之情驅而之北終不

為用惟殿下至仁寬宥放歸鄉國

鐵補唐志七十一

太后嘉納縱活數萬

遼史拾遺二十

金貞祐初汝梅年七歲鄴城陷

通州高志

老幼皆被屠戮

郭公新堡碑

父琪母劉禱於火神廟

通州高志

願保護此兒使郭嗣不絕

郭公新堡碑

及灤河力不能負欲棄之遇赤憤乘渡得免汝梅既顯繕祠以報

年十有八縣民公舉攝行縣事通州高志歲庚寅朝廷立十路徵收課

稅所郭公新碑耶律丞相知其才奏充燕京都稅司以幹濟稱通州高志

中統初汝梅以久貳徵收殊非本志俾其子翰承襲三年平章政

事兼制國用使阿哈瑪奏本路員多不無侵擾疏其廉幹得力者

任使如故郭公新碑起再任稅所官通州高志創建驛舍百餘楹不令擾

及民家多起倉厰每歲應給行宮所須未嘗闕誤大小差徭先期

告足郭公新碑懲兇暴捕盜賊禁倡優與齊民雜處歲不再易風俗

臻善益戶萬二千餘進昭勇大將軍總管中都路兼尹大興數引

見奏對稱旨中統五年卒通州高志

李秉彝字仲常大都通州潞縣人秉彝幼而沈毅見人倨坐輒色

變由是眾異焉穎悟好學七歲讀書日千言十歲能習古篆隸年

二十餘謁行省粘合公卽爲椽曹未幾遷都事說粘合曰金亡人材無所附麗天下初定宜拔其尤者爲朝廷用粘合用其說首聘王磐授子弟經於是士大夫相繼登粘合之門實自秉彝發之參議王文統投書粘合請立河南省曰距河以持南北之勢聚財以結上下之交可以成事秉彝明其邪說願勿聽旣而文統果敗遷員外郎己未世祖以潛藩伐宋從渡江將士入鄂州爭取金帛秉彝獨取書萬卷以還中原兵火後人家少藏書至是遠近學者借讀無虛日文風漸起中統壬戌遷中興等處行省郎中時渾都罕甫平民艱食秉彝奉旨賑恤玉門以東全活者無數至元甲子徙四川陝中苦司竹之政奏罷之遷太中大夫佩金符爲彰德宣課運使課最拙尙書戶部侍郎庚午秋中原蝗衍命往捕有不盡心聽以軍法從事秉彝訖事未嘗有所操切明年京師饑朝廷用秉

彝言發廩又明年魚兒泊餞亦被命濟其民出爲都提舉漕運使
御河數千里不半載餉百萬石中臺察廉能奏授陝西按察副使
巡行灌州故有李公堰當三江口遇水漂悍輒壞歲調夫修完民
以爲病秉彝以爲築之堅可已思父老以壅遏漲勢則恐爲成都
害秉彝令投石水中問曰水從石上過耶石下耶皆曰流石上耳
督有司三月堰成自是大水至肩堰上行無所壅旱則濬以溉田
爲至今利丁丑除江州路總管屬邑有剽掠者有司以叛告官軍
旣動被俘者衆秉彝邀諸津詰無辜千餘人悉縱遣之黃州叛九
江戍卒僅五百北來商旅亦授兵登陣單弱甚呂師龍新降爲招
討使擁精騎千百檄使捍禦不聽秉彝夜登庾樓遙望小舟順流
下邏獲七人自黃來持叛書期師龍以五月十六日爲內應秉彝
卽訪其計議陳文彬偕至師龍所諭以利害師龍與其麾下自誓

不知情秉彝曰審爾何不分兵守城師龍如言九江遂無警其兄
師襲自江西奉黃金二百兩白金二千兩奴婢十人爲謝力卻不
受義門陳氏苦縣吏貪酷戕吏卒秉彝曰非叛也密遣其孀黨夏
德叟招撫之閭族千餘口皆得免遷湖州總管踰年又徙常德沘
江泛濫立隄匱以制湍浪民免墊溺官種柑橘五百株以代民貢
歲歉黜同僚議不俟命開倉救饑者武陵之人立碑以頌遺愛癸
未陞通議兩浙轉運使去民之不便者而課自辦轉正議除工部
尚書居半載復爲兩浙轉運使兼杭州諸色課程及市舶前同知
納速剌丁倚權臣勢奪秉彝職有旨理算欲因以誣秉彝卒不得
毫髮私羣小讐服歸道鎮江寓鶴林坊病卒年六十五秉彝嘗名
齋室曰閑邪或求爲吏以東坡頴濱二先生手書奏議三十冊爲
獻秉彝曰賂可受乎平生不有玩好戒子孫曰凡物之罕得者我

獨有之必有奇禍云周馳開邪公傳

朱國寶寶坻人七十一修內使存器子也寶坻志存器嘗夜行盧

溝橋獲金一囊坐待其主至還之元史類編十九憲宗將攻宋募兵習水

戰國寶以職官子從軍元史列傳世祖攻鄂州國寶攝千戶率銳卒於

中流遇宋師凡十七戰諸軍始畢濟元史類編中統二年授千戶佩銀

符三年圍李璫於濟南佩金符鎮成海東從征襄陽攝四翼鎮撫

元史列傳督造戰艦築萬山堡及拔沙洋築新城皆有功初師大江上

國寶願當前鋒元史類編既而奪船二十艘以獻巴延壯之宋據上流

方舟數百結爲堡柵巴延指示曰復能奪取是乎國寶卽奮往破

柵元史列傳既渡江下鄂漢進兵岳州與宋戰於桃花灘獲其將高世

傑元史類編進昭信校尉管軍總管既降湖右加宣武將軍統蒙古諸

軍鎮常德府知安撫司事時宋諸郡邑多堅守不下國寶傳檄招

諭踰月悉平惟辰沅靖鎮遠未下宋將李信李發結武岡洞蠻分

據阨塞國寶擊敗之

元史列傳

其眾退保飛山之新城思播蠻來援國

寶復戰破之

元史類編

擒張星沈舉等三百餘人進攻新城獲信發等

獻俘江陵行省奏功賜金虎符至元十四年會諸道兵攻廣西靜

江拔之

元史列傳

授管軍萬戶鎮梧州

元史類編

十五年加懷遠大將軍初

宋臨安之破也張世傑挾二王由閩蹈海眾復滋蔓時南恩新州

何華張翼舉兵興復軍勢甚盛

元史列傳

國寶擊殺之降其民三萬餘

戶遷北海南道宣慰使

元史類編

蠶賊連結鬱林廉州諸洞恣行標掠

國寶悉平之任龍光等率所部五千戶降移瓊州

元史列傳

立官程更

弊政訓兵息民俱有條制民畏服之

畿輔唐志七十一

南甯謝有奎負固

不服國寶開示信義有奎感悟以其屬來歸於是黎民降者三千

戶苗軍降者三十所破臨高蠻寇招降居亥番毫銅鼓博吐桐油

等十九洞遣兵略大黎密塘橫山焚其巢生致大鍾小鍾諸部長

十有八人

元史類編

加領國上將軍海北海南宣慰使都元帥供給古

城軍餉事集而民不擾二十三年遷廣南西道宣慰使二十四年

入覲帝慰勞之二十五年進輔國上將軍都元帥參知政事行尙

書省事以軍事至贛州得疾卒年五十九

元史列傳

石天麟字天瑞順州人年十四入見太宗因留宿衛天麟好學不

倦於諸國書語無不習賜名孟古岱

元史列傳

憲宗六年以斷事官奉

使北邊海都拘留久之世祖至元中邊將劫王子北安王諾木罕

以往寓天麟所天麟稍與其用事臣相親狎因語以宗親恩義及

臣子順逆之理海都聞之悔遂遣與王同歸天麟拘二十八年始

得還世祖大悅拜中書左丞

元史類編十二

天麟辭曰臣奉使無狀陛下

幸赦弗誅何可復叨榮寵况臣才識淺薄年力衰憊豈能任政恐

徒貽廟堂羞不敢奉詔帝嘉其誠哀慰良久

元史列傳

初安圖與北安

王爲海都所拘十年始得還有譖其嘗受海都官爵者帝怒

通鑑輯覽

五十九

天麟奏曰海都實宗親偶有違言非仇敵比安圖不拒絕之

所以釋其疑心導其臣順也帝怒方解江南道觀偶藏宋主遺像

有僧與道士交惡發其事將置極刑帝以問天麟對曰遼國主后

銅像在西京者今尙有之未聞有禁令也事遂寢天麟年七十餘

帝以所御金龍頭杖賜之曰卿年老出入官掖杖此可也時權臣

用事凶焰薰炙人莫敢言天麟獨言其奸無所顧忌人服其忠直

成宗卽位加榮祿大夫司徒大宴玉德殿召天麟與宴賜以御樂

命左右勸之酒頗醉命御輦送還家武宗卽位進平章政事至大

二年秋八月卒年九十二追封冀國公諡忠宣

元史列傳

張榮實保定人父進守信安城有功金封北平公

保定成志

壬辰歲率

所部屬民降太宗命爲征行萬戶甲午征河南與金將國用安戰
徐州死焉榮實始以質子入宿衛繼授金符充征行水軍千戶丁
酉改雄州保定新城長官庚子復命統領水軍甲辰從大將軍察
罕軍至淮上遇宋將呂文德與戰俘五十餘人賞銀碗戰馬從攻
江陵略襄陽宋以舟師橫截漢水兵不得渡榮實戰却之獲人百
餘戰船數十艘察罕以聞賜錦袍及銀十五斤破宋軍於大湖賞
銀百兩己未從世祖南征駐陽羅渡宋軍橫截江水帝以榮實習
於水命居前列遂取輕舟率麾下水校鏖戰北岸獲宋大船二十
俘二百溺死不可勝計斬宋將呂文信元史列傳中統元年以榮實從
南征多立功命爲水軍萬戶兼領霸州民戶諸水軍將吏元史兵志三
年李璫叛榮實從史天澤討平之賞金盃及銀二百五十兩馬一
匹命鎮膠西至元五年從丞相阿珠攻襄陽敗夏貴擒張順又攻

樊城俘其二將賞銀及弓矢鞍勒十一年增領新軍從丞相巴延

南征榮實以所部先進鄂漢皆降論功授昭毅大將軍從阿爾哈

雅攻岳州

保定成志

降宋將高世傑破沙洋新市降江陵以功加昭武

大將軍偕元帥宋托合

原作都台

征江西隆興擒宋將密佑撫州降十

三年授同知江西道宣慰使司事未旬日升鎮國上將軍福建道

宣慰使進兵廣東破降韶州十四年改江東宣慰使行省參知政

事帝以廣東餘黨未附命與右丞達春撫定之十五年入覲帝賜

慰勞授湖北道宣慰使諸路水軍萬戶是年以疾卒年六十一子

顏玉珪

元史列傳

玉保定人襲父職爲懷遠大將軍諸路水軍萬戶至元十六年討

吉安叛賊有功入朝賜金織文衣弓矢佩刀加輔國上將軍都元

帥兼水軍萬戶鎮黃州繼奉旨與元帥唐古特改立蘄黃等路都

元帥府仍管領本道鎮守軍馬二十年廣東盜起遏絕占城糧運

二十一年玉率兵討平之從參知政事貢特密實入朝賜金織文

衣鞍勒弓刀會元帥罷命玉充保定水軍上萬戶二十二年郡陽

湖賊起詔徙水軍萬戶府於南康元史會皇子鎮南王脫歡復征

交趾二十四年九月王至思明州時玉與湖廣參政樊楫亦引兵

同至萬劫江交兵險阻拒守元史類累戰有功二十五年元史三

月將士多被疫不能進續資治通鑑師還安南以兵迎戰元史且

戰且行日數十合賊據險發毒矢將士裹瘡以戰續資治通鑑被

傷過半為賊邀遮白藤江潮下舟膠賊大至力戰被創投水中為

賊鈞執毒殺之元史類編

杜瑛字文玉霸州信安人時昇子一統志長七尺美髭髯氣宇端肅

元史類編金季河朔擾亂瑛避地河南居緱氏山中讀書講學博

覽無所不窺

永清周志

金亡間關轉徙教授汾晉間

元詩百集小傳

聲聞漸著

登門受業者恆以百數相衛俗尚文雅由瑛始也中書鈕祜祿珪

原作粘合珪

開府於相以書幣延瑛待以賓師之禮

永清周志

瑛赴其聘後

遂家焉

元史列傳

是時草昧之初賦役刑罰除授官吏州郡皆得專之

瑛言兵荒之餘生民窮困宜緩刑薄賦修學養士鈕祜祿珪然之

憲宗九年世祖奉命南伐所至郡邑訪求人材

永清周志

至相召見問

計瑛從容對曰

元史列傳

王者不嗜殺人然後能一天下今宋閭弱奸

臣擅國習俗驕靡將卒恇怯所恃長江險耳誠選將任能禁暴戢

亂據有上游戈船東下一舉可定也

蘇天爵文獻杜氏行狀

帝悅曰儒者中

乃有此人乎欲留大用命從行以疾弗果

元史列傳

江南平詔徵之辭

不就左丞張文謙宣撫河北奏為懷孟彰德大名等路提舉學校

官又辭

元詩百集小傳

遣執政書其略曰先王之道不明異端邪說害之

也橫流奔放天理不絕如線今天子神聖俊乂輻輳言納計用先王之禮樂教化興明修復維其時矣若夫傳書期會文法末節漢唐猶不屑也執事者因陋就簡此焉是務良可惜哉夫言始者未必善終今不能溯流求源明法正俗育材興化以拯數百千年之禍僕恐後日之弊將有不可勝言者矣人或勉之仕則日後世去古雖遠而先王之所設施本末先後尤可考見故爲政者莫先於復古苟因習舊弊以求合乎先王之意不亦難乎吾又不能隨時俯仰以赴機會將焉用仕

元史列傳

於是杜門謝客以修學著書爲事所

著多明經術之意有春秋地理源委十卷語孟旁通八卷皇極引

用入卷皇極疑事四卷極學十卷

永清周志

律呂新厯禮樂雜志三十

卷

元史列傳 緱山集十卷

元詩百家小傳

其於律則究其始研其義長短清濁

周經積實各以類分取經史之說以實之而折衷其是非其於厯

則謂造厯者皆從十一月甲子朔夜半冬至爲厯元獨邵子以爲
天開於子取日甲月子星甲辰子爲元會運世之數無朔無閏餘
率以三百六十爲歲而天地之盈虛百物之消長不能出乎其中
矣論開物開物則曰開於己開於戊五天之中也六地之中也戊
己月之中星也又分卦配之紀年金之大定庚寅交小過之初六
國朝之甲寅三月二十有三日寅時交小過之九四多先儒所未
發初鈕祐祜瑋憐其貧與田千畝辭不受術者言其所居下有藏
金家人欲發視輒止之後來居者果得黃金百斤其不苟取如此
元史列傳至元十一年卒遺命其子曰我死棺第置杜甫詩集一編題
其誌石云處士杜維山墓元詩百於是足矣永清周志天厯間贈資德
大夫翰林學士上護軍追封魏郡公諡文獻元詩百家小傳
張子良字漢臣涿州范陽人涿州吳志金末四方兵起所在募兵自保

子良率千餘人入燕薊間耕稼已絕

元史列傳

遂聚州人阻水治舟筏

取蒲魚自給食從者日眾子良部勒之就食東平宿壽間

涿州夏吳志

全劫其民出雞口李敏據州子良率麾下造敏敏欲害之走歸宿

因以宿帥之眾奪全所劫老幼數萬以還全怒連徐邳之軍來攻

子良與宿帥斫其營全失其軍符走死揚州時金受重圍於汴聲

援盡絕有國用安者

元史列傳

先名安用紅襖賊楊安李全餘黨也

金史

國用圖以漣水之眾入援道阻游兵不能進子良興一偏將晝伏

夜行得入汴達用安意金君臣以爲自天降也曲賜勞來凡所欲

皆如用安請因以徐宿授子良明年子良進米五百石於汴授榮

祿大夫總管陝西東路兵馬仍治宿州當是時令已不行於陝而

用安亦卒不得志徐宿之間民無食者出城拾糶糴以食子良嚴

兵護之以防鈔掠猝遇敵子良被重傷乃率眾就食泗州泗守聞

兵將圖之子良與麾下十數人即軍中生縛其守民不欲北歸者

欲走傍郡子良資以舟楫無敢掠其財物元史列傳歲戊戌以泗州西

城二十五縣軍民十萬八千餘口來歸太宗命為東路都總帥賜

金符累官大名路總管兼府尹卒涿州吳志年七十八贈昭勇大將軍

僉樞密院事上輕車都尉追封清河郡侯諡翼敏元史列傳自兵興以

來子良轉徙南北依之以全活者不可勝計子亨涿州吳志

懋字之美未弱冠已有父風侍子良官京東故懋領其眾中統元

年宣授泗州軍總把佩金符至元七年擢濟南諸路新軍千戶九

年從破襄樊有功十一年丞相巴延南征以懋勇鷙將弩前行凡

所遇山川道路險阻通梁筏平壑窵安營設伏出納奇計巴延信

用之擢為省都鎮撫水陸並進其任甚重元史列傳既滅宋涿州吳志北還

駐瓜洲巴延命懋往諭淮西夏貴副以兩介將騎士直趨合肥元史

列貴出迎懋示以逆順禍福辭旨雄厲貴受命

涿州吳志

上地圖降誓

馳還報巴延大喜復令行徇鎮東安豐壽春懷遠淮安濠等州郡

皆下復使之徧諭列城軍民使知德意十三年懋馳驛至上都巴

延上其功宣授懋明威將軍泗州安撫司達嚕噶齊

元史列傳

十四年

改安撫司爲總管府置宣慰使以統之拜同知淮西道宣慰司事

十六年改授懷遠大將軍吉州路總管懋惡衣糲食率之以儉慎

刑平政處之以公新府治設義倉雖能吏不過也

涿州吳志

凡有所懲

治朝至夕報豪強竦然郡萬戶蘇良恃勢爲暴爲之翼者有十虎

之目懋盡誅之奪良虎符而黜之民大悅羣盜有率眾將白晝劫

城者懋聞之率從騎擣其穴縛其酋長以歸民之流亡與遠郡之

來歸者數千家相率爲生祠以祀之十七年二月卒年六十三贈

昭勇大將軍龍興路總管上輕車都尉追封清河郡侯諡宣敏子

二人文煥以父蔭任承務郎江州路瑞昌縣尹文炳三收河巡檢
文煥子珪初爲高安縣尹有異政由是擢爲江西檢校拜南臺御
史繼爲淮西江西二道廉訪僉事用能世其家云

元史列傳

張巴圖

原作拔都

昌平人至元辛未太祖南征巴圖率衆來附願爲前

驅遂留備宿衛從近臣呼圖克

原作漢都虎

西征回紇河西諸蕃道隴

蜀入洛屢戰流矢中頰不少卻帝聞而壯之賜名巴圖自是呼圖

克亦專任之金亡以呼圖克爲礮手諸色軍民人匠都元帥守真

定呼圖克卒無子以巴圖代之及呼圖克兄子沙克善

原作曉闡

少長

巴圖請於朝歸政而終老焉

一統志

子孟古岱

原作古台

從憲宗攻蜀

釣魚苦竹山二壘冒犯矢石屢挫而不沮遂以勇敢聞中統元年
賜銀符預議礮手軍府事尋易金符爲行軍千戶從征襄樊有功
卒子世澤襲世澤從丞相巴延南征大小十餘戰皆有功又從平廣

西明年收瓊萬諸州拜宣武將軍行軍總管未幾遷副萬戶加明
威將軍從鎮南王托歡伐交趾既還及再舉將校舊嘗往者許留
恤之有托歡者當行適病不能起世澤曰吾祖父以武勇稱吾蒙
其餘澤荷國厚恩當輸忠王室增光前人豈可苟爲自安計耶力
請代之凱還人服其義云

元史
列傳

李德輝字仲實通州潞縣人

志一統

方五歲父且卒指德輝謂宋夫

人曰吾爲吏治獄不任悍鶚刻削人蒙吾力脫畧齒平民者衆天
或報施善人是兒其大我門者

元名臣事
略十三

及卒德輝號慟如成人

適歲凶家儲粟纔五升其母春蓬稗炊藜藿而食之既就外傳嗜
讀書束於貧無以自資乃輟業年十六監酒豐州祿食充足甘旨
有餘則市筆札錄書夜誦不休已乃厭糟麴歎曰志士顧安此耶
仕不足以匡君福民隱不足以悅親善身天地之間人壽幾何惡

可無聞同腐草木也

元史列傳

乃謝絕所與遊少年求先生長者講學

以卒其業時世祖在潛藩用劉秉忠薦使侍裕宗讀癸丑憲宗封

宗親割京兆隸世祖潛藩擇廷臣能理財賦者俾調軍食立從宜

府以德輝爲使時田哥宿兵利州扼四川衿喉以規進取

元史列傳

史作汪世顯攷世顯以癸卯歲卒在癸丑之前十年姚遂撰李忠宣公行狀云時在忠烈公宿兵利州忠烈乃田哥之諡非世顯也

今據數萬之師仰哺德輝乃募民入粟綿竹散錢幣給鹽券使歸

京兆受直陸挽興元水漕嘉陵二年而錢粟充棟於軍中歷蜀之

本實張於斯

元名臣事略十一

中統元年爲燕京宣撫使燕多劇賊造僞

鈔結死黨殺人

元史列傳

悉捕誅之雖中書開府在燕令行禁止多不

上白由是忤時相意以誣去位

元名臣事略十一

三年起爲山西宣慰使

權勢之家籍民爲奴者咸按而免之復業近千人至元元年罷宣

慰司授太原路總管

元史列傳

德輝愈益勤勵崇學校表孝節逐姦賊

裁婚葬敦耕桑立社倉一權度嚴鼓柝凡與民漸摩仁義者無弛

不張嘉禾瑞麥六出其境五年徵爲右三部尙書人有訟財而失

其兄子者德輝曰何疑焉叔殺之也深究其獄所親信及權貴元名

臣爲請者甚衆德輝不應罪狀旣明請者乃慚服七年錄囚

山西河東行至懷仁民有魏氏發得木偶持告其妻挾左道爲厭

勝謀不利於己移數獄詞皆具德輝察其冤知有愛妾疑妾所爲

將搆陷其妻也召妾鞠之不移時而服遂杖其夫而諭妾以死元史

列傳觀者神之皇子安西王鎮關中元史奏以德輝爲輔元名臣事

遂改安西王相至則視瀕涇營牧故地可得數千頃起廬舍疏溝

浚假牛種田具與貧民二千家屯田其中歲得粟麥芻蕘萬計十

二年詔以王相撫蜀重慶猶城守朝廷各置行樞密院於東西川

元史合兵萬人圍重慶肆於擄掠軍政不一通鑑輯覽德輝至成

都兩府爭遣使咨受兵食方略德輝戒之曰宋已亡矣重慶以彈丸之地不降何歸正以公輩利其剽殺民不得有子女懼而不來耳嚮日兵未嘗戰中使奉璽書來赦公輩既不能正言明告使懼而叛去非玩寇而何況復相訾紛紛朝夕敗矣豈能成功哉德輝爲書與合州張珩曰君之爲臣不親於宋之子孫合州爲州不大於宋之天下珩不答德輝還王邸未至秦元史列傳按元史載招張珩與招王立爲一時事蓋全取行狀誤以追叙爲十五年事耳招珩在重慶被禽矣今改張珩復取瀘涪州及圍兵以不和而潰珩乃遣將四出兵屢敗通鑑十四年以德輝領西川行樞密院副使諸軍旣發仍令德輝留成都給軍食是年復瀘州十五年再圍重慶踰月拔之元史既而列傳合州遣李興張邵十二人訶事成都皆獲之釋不殺復爲書縱歸使諭其將王立立以夙與東川有深怨懼誅乃使使間行至成都

請降於德輝德輝從兵纔數百人赴之東府害其來皆曰公昔爲書招珪誠亦極矣竟無功而還今立珪牙校也習狙詐不信特以計致公來使與吾爭垂成之功延命替刻耳未必誠降德輝曰昔合以重慶存故力可以同惡今已孤絕窮而來歸亦其勢然吾非攘人之功者誠懼公等憤其後服誣以譬抗蹕先朝利其剽奪而快心於屠城也吾爲國活此民豈計汝嫌怨爲哉卽單舸濟江薄城下呼立出降安集其民而罷置其吏合人自立而下家繪事之川蜀平復以王相還邸十七年置行中書省以德輝爲西安行省左丞元史列傳西南夷羅施鬼國旣降復叛詔雲南湖廣四川合兵三萬人討之兵且壓境德輝適被命在播亟遣止使兵勿進別遣人趨鬼國使降酋長熟公名曰是活合州李公耶其言明信可恃卽身至播州泣且告曰我屬百萬人微公來死且不降今得所歸莫

有二矣

元名臣事略十一

德輝以其言上聞乃改鬼國爲順元路以其酋

爲宣撫使其後有以受鬼國馬千數詣德輝於朝者

元史列傳

上曰是

人朕所素知雖一羊不妄受苟有是事及薨蠻夷聞訃哭之甚哀

其私親爲位而祭者動輒千百人合州安撫使王立衰經率吏民

拜哭聲震山谷爲發百人護喪興元播州安撫使何彥清率其民

立廟祀之德輝天性孝悌事母愉色婉容自幼至貴能養志順色

未嘗稍失初權臣阿哈瑪特與德輝偕侍潛邸及當國用事未始

一至其門彼常卑恭求好拒之愈力其所守類此

元名臣事略十一

卒年六

十三

元史列傳

張思忠字正言永清人也先世業農支屬蕃息百年同居人稱爲

義門元兵南下思忠以良家子隸都元帥史天倪戲下以武幹見

稱天倪鎮真定以功監領左軍充唐山令及天澤襲兄職授鎮撫

千戶從天澤略地河南歸德守禦堅不可拔思思鼓勇先士卒登
戎鎧鮮異大帥速不解從眾中識之及賞犒以功讓所善轉戰密
之西山諸民避兵匿洞窟中元兵縱火燹逼思忠爲言於主帥禁
之及移鎮入鄧凡百草創招流散復田廬治渠堰整屯戍咸措置
有方性仁慈人稱謂佛張鎮撫卒年六十一子程永清周志

程幼岐疑嘗與羣兒嬉里門神氣鎮定指顧羣兒如大官府見者

奇之及嗣父職從天澤治軍江淮軍府有疑獄久不決命程鞠之

一訊而定人多其明察天澤奏降銀符授都督府鎮撫至元五年

兵攻襄樊爲上流破竹之舉程首建白戍議曰消滄於漢宜極據

要害築堡戍使遏宋人不得沂流以據要害永清周志遂築圍城以逼

襄陽通鑑輯覽九十三程分兵當衝宋人爲之氣奪時餉道不繼以程充

提舉糧漕使清水行崗阜間水淺石出難於綱運程築堰平水勢

造江軸車兼用陸運復設防戍絕去涂梗舟車通便軍餉不乏時
議急取樊城程率先銳進旣登中流矢戰不輟以勞授行都鎮撫
其職掌大概上承大帥方略指授諸將軍有所關白必因之上達
訓練調遣巡邏等事皆所領治當時諸軍大小四十餘壁每翼鎮
撫一員號曰接手日聽將令於都鎮撫其重如此十年春襄州降

明年秋詔丞相巴延等水陸並進鄂渚渡江師次郢

永清周志

軍於城

西時張世傑將兵屯郢在漢北以石爲城新郢在漢南橫鐵組鎖
戰艦密植柁木水中夾以砲弩其要津皆施杙設攻具元軍襲城
世傑力戰

通鑑輯覽
九十四

軍不克前程按視對江堡北有枯河可三里

許連接一湖湖匯與漢通因喜曰吾事濟矣遂拖舟由港中盡達
於湖順流而東無復阻礙巴延大悅時大帥從偏裨百餘騎行視
郢險會天大霧悞抵壁下宋兵潛出圍之數匝眾將相顧失色程

奮槩突擊殺數十人遂得解去因建策曰郢據漢爲池東南又有沙陽等城傍爲犄角若乘銳先破之則郢孤矣巴延用其議卒得破夏貴兵於陽邏堡遂清江道元兵直下武昌皆其謀也尋以功

授宣武將軍宋相賈似道罄國力

宋清周志

以精銳七萬人盡屬孫虎

臣於池州下流之丁家洲夏貴以戰艦二千五百艘橫亘江中

通鑑

輯覽九十四

欲與元兵鏖戰巴延命程督諸軍前陣程出入行間指授

方略一再合而宋兵敗績遂入建康丞相阿朮卽分兵趨瓜步同

擣維揚擇勇而有謀者偕往以程爲首選巴延惜不遣請權充萬

戶命未下俄以疾卒年三十有九

宋清周志

梁曾字貢父燕人少好學日記書數千言中統四年薦辟中書左

三都令史三轉爲中書省掾

元史類編二十六

至元十年用累考及格授

雲南諸路行省都事佩銀符久之升員外郎轉同知廣南西道左

石兩江宣撫司事明年除知南陽府唐鄧二屬州爲襄陽府所奪
曾按圖經稽國制以聞得復舊屬南陽在宋末爲邊鄙桑柘未成
而歲賦絲民甚苦之曾請折輸布民始稱便十七年朝廷以安南
世子陳日烜不就徵選曾使其國召見賜二珠金虎符貂裘一襲
進兵部尙書與禮部尙書柴椿偕行明年日烜遣其叔遣愛奉表
從曾入冬十月己亥降詔封遣愛爲安南國王賜幣帛遣歸二十
一年除曾湖南宣慰司副使居三年以疾去二十九年改淮西宣
慰司副使復以親老辭召至京師入見內殿有旨令曾再使安南
授吏部尙書賜三珠金虎符襲衣乘馬弓矢器幣以禮部郎中陳
孚爲副元史列傳頒行改官淮安路總管三十年正月至安南其國有
三門元史類編陳日煇欲迎詔自旁門曾大怒曰奉詔不由中門是辱
君命也貽書責之往復者三卒從中行續資治通鑑又責日煇親

出迎詔且譚新朝尙右禮宣布天子威德而諷其主入朝日燔大

威服遣國相陶子奇等從會詣闕請罪元史並上萬壽頌金冊表

章方物八月還京師元史傳會進所與日燔辨論書帝大悅解衣賜

之令坐地上右丞阿里意不然帝怒曰梁會兩使外國以口舌息

兵戈爾何敢爾時有親王至自和琳帝命酌酒先賜會謂親王曰

汝所辦者汝事梁會所辦者吾與汝之事汝勿以爲後也續資治通鑑

百九十一復於便殿賜酒饌留宿禁中語安南事至二鼓方出明日陶

子奇等見詔陳其方物會引所獻象會以袖引之象隨會轉如

素馴者復命引他象亦然帝以會爲福人問曰汝亦懼否對曰雖

懼君命不敢違也帝稱善元史或謠會受安南賂遣帝以問會會

曰安南以黃金器幣奇物遺臣臣不受以屬陶子奇帝曰受之亦

何不可續資治通鑑尋賜白金一錠金幣二元史傳勅中書以所賜

三珠金虎符與之乘傳之淮安任

元史類編

到官興學校屬風俗河南

行省事有疑者皆委會議之

元史列傳

成宗大德初調杭州路復流民

五萬三千餘戶且禁莫夜鞠因游街酷刑著爲令

元史類編

四年丁內

艱先是丁憂之制未行會上言請如禮七年除潭州路總管以未

終制不赴明年遷兩浙都轉運鹽使又明年拜雲南行省參知政

事尋還京辭以母喪未葬扶柩北歸至長蘆有旨賜鈔一百錠使

營葬十年詔爲中書參議嘗預燕賜濟遜一襲十一年轉正奉大

夫出爲河南行省參知政事尋遷湖廣行省參知政事四年以疾

辭歸勅賜藥物存問備至皇慶元年仁宗以曾前朝舊臣復起爲

集賢侍講學士國有大政必命會與諸老議之延祐元年奉詔代

祀中岳等神還至汴梁以疾不復職寓居淮南杜門不通賓客惟

日以書史自娛至治二年卒年八十一卒之前十日有大星隕於

所居流光燭地人皆異之

元史列傳

王利用字國賓通州潞縣人幼穎悟弱冠與魏初同學遂齊名諸

名公交口稱譽之初事世祖於潛邸中書辟爲掾辭不就中統初

命監鑄百司印章歷太府內藏官出爲山東經畧司詳議官遷北

京鄂羅同知歷安肅收蠶趙四州知州入拜監察御史薊州有禁

地民不得射獵其中遷者誣州民冒禁籍其家利用糾之遷者訴

於上利用辨愈力得以所沒人悉歸之民

元史列傳

世祖卽位擢翰林

侍制兼興文署奉旨程試上都隆興等路儒士升直學士與耶律

鑄同修實錄

元史類編二十二

出爲河東陝西燕南四川提刑按察使四

川土豪有持官府長短者問得其實而當以罪民賴以安都元帥

塔海抑巫山縣民數百口爲奴民屢訴不決利用承檄覈問盡出

爲民大德二年改安西興元兩路總管其在興元減職田租額站

戶之役於他郡者悉除之民甚便焉有婦毒殺其夫問藥所從來

吏教婦指爲富商所貨獄上利用曰家富而貨毒藥豈人情哉訊

之果冤元史列傳未幾致仕居漢中成宗初起爲太子賓客疏上十七

事曰謹畏天戒取法祖宗孝事母后敬奉至尊撫愛百姓敦本抑

末清心聽政寡欲養身酒宜節飲財宜節用有功必賞有罪必罰

杜絕讒言求納直諫官職量材而授工役相時而動俾近侍時赴

經筵講讀經史帝及太子皆嘉納皇后聞之命錄別本以進元史類編

利用以老病不能朝帝遣醫診視之利用謂弟利貞利亨曰吾受

國厚恩愧不能報死生有命藥不能爲也遂卒年七十七利用每

自言平生讀書於恕字有得廉希憲當時名相簡重慎許可嘗語

人曰方今文章政事兼備者王國寶其人也武宗卽位以宮僚舊

臣制贈榮祿大夫柱國中書平章政事封潞國公諡文貞元史列傳

張九思字子有燕宛平人父滋薊州節度使

元史列傳世祖至元二年

元史類傳十三九思入備宿衛

元史列傳裕皇居東宮一見奇之以父蔭當補

外特留不遣江南平以宋庫藏金頒賜東宮置都總管府以主之

元史類傳九思以工部尙書兼府事十九年世祖巡幸上都皇太子從

丞相阿哈瑪特留守妖僧高和尚千戶王著等謀殺之夜聚數百

人來儀衛稱太子入健德門直趨東宮

元史列傳徵張易兵

通鑑輯覽傳令

啟關甚遽九思適值宿宮中命主者勿得擅啟關賊知不可給循

垣趨南門外擊殺丞相阿哈瑪特左丞郝禎九思審其詐大呼曰

此賊也叱衛士急捕之

元史列傳著就擒易并坐當易之見誅也刑官

論以從亂當傳首四方

元史類編九思曰易應變不審則有之坐以與

謀則過矣乞免傳首從之

通鑑輯覽九思討賊時右衛指揮使顏進在

行中流矢卒怨家誤爲賊黨將籍其孥九思力辯之得不坐是年

冬立詹事院以九思爲丞

元史列傳

行臺治書侍御史王惲進承華事

略二十篇太子覽之至邢峙止齊太子食邪蒿顧侍臣曰一菜之

名遠能邪人耶九思曰正臣防微理固當然太子善其說令諸子

傳觀其書

續資治通鑑長編卷一百八十七

二十二年皇太子薨朝議欲罷詹事院九

思抗言曰皇孫宗社人心所屬詹事正所以輔成道德者也何罷

之衆以爲允

元史列傳

三十一年春正月世祖崩御史中丞崔彥得傳

國璽獻之辨其文曰受命於天既壽永昌此歷代傳國璽也太妃

出以徧示羣臣丞相以下次第上壽慶曰此乃天意屬於皇太孫

也乃遣九思齋授之

續資治通鑑長編卷一百八十七

成宗嗣位改詹事院爲徽政以

九思爲副使十一月進資德大夫中書左丞會修世祖裕宗實錄

命九思兼領史事大德二年拜榮祿大夫中書平章政事五年加

大司徒六年進階光祿大夫薨年六十一

元史列傳

盧摯字處道一字莘老號疎齋涿人

涿州吳志

至元五年進士博洽有

文思累遷少中大夫河南路總管員人吳全節代祀嶽瀆過洛陽

嘉其治行力薦之大德初授集賢學士大中大夫出持憲湖南遷

江東廉訪使復入爲翰林學士遷承旨卒元初中州文獻

元詩百家小傳

推能文辭有風致者曰姚虛蓋謂姚燧及摯也

涿州吳志

稱能詩者以

摯爲首有疎齋集亦善書

元史類編三十五

錢唐張雨謂疎齋集據官本

讀之一過生風凜然趙郡蘇天爵曰國家平定中原士踵金宋餘

習率皆巖豪衰茶涿郡盧公始以清新飄逸爲之倡臨川吳澄曰

涿郡盧學士所作古詩類晉人清言古文出入盤詰中字字土盆

瓦缶而倏有三代虎蜺瑚璉之器見者莫不改視

元詩百家小傳

其文章

宗旨一篇人所傳誦

春明夢餘錄

與臨川之論相合云

元詩百家小傳

尚文字周卿世爲祁州深澤人後徙保定遂占籍焉文幼穎悟張

文謙宣撫河東參政王倚薦其才遂辟掌書記未幾西夏行中書省復辟之至元六年始立朝儀太保劉秉忠言於世祖詔文與諸儒採唐開元禮及近代禮儀之可行於今者斟酌損益凡文武儀仗服色差等皆文掌焉七年春二月朝儀成百官肄習帝臨觀之大悅遂爲定制冬十一月立侍儀司擢右直侍儀使轉司農都事十七年出守輝州時河朔大旱輝獨以禱得雨境內大稔懷孟民馬氏宋氏誣伏殺人積歲獄不能決是刑使者命文獻以論報文推迹究情得獄吏獄卒羅織狀兩獄皆釋十九年進戶部郎中奏罷懷衛竹稅提舉司民便之二十二年除御史臺都事行臺御史上封事言上春秋高宜禪位皇太子太子聞之懼中臺祕其章不發塔奇呼阿薩爾等知之請收內外百司吏案大索天下埋沒錢糧而實欲發其事乃拘封御史臺吏案文拘留祕章不與塔奇呼

聞于帝命宗正色徹肯取其章文曰事急矣卽白御史大夫曰是欲上危太子下陷大臣流毒天下之民其謀至奸也且塔奇呼乃阿哈瑪特餘黨賊罪狼籍宜先發以奪其謀大夫遂與丞相議卽入言狀帝怒曰汝等無罪耶丞相進曰臣等無所逃罪但此輩名載刑書此舉動搖人心宜選重臣爲之長庶靖紛擾帝怒稍解可其奏旣而塔奇呼受人金與其黨竟坐姦賊論死其機實自文發之升大司農丞轉少卿遷吏部侍郎改江南湖北道肅政廉訪使三十一年召爲刑部尙書元貞初拜中臺侍御史時行臺御史及浙西憲司劾江浙行省平章不法者十七事制遣文往詰之左驗明著猶力爭不服文以上聞平章乃言御史違制取會防鎮軍數成宗命省臺大臣雜議咸曰平章勲臣之後所犯者輕事宜宥御史取會軍數法當死文抗言平章罪狀明白不受簿責無人臣禮

其罪非輕御史糾事之官因兵卒爭愬責其帥如舊均役情無害
法卽有罪亦輕廷辯數四與省臺入奏帝意始悟平章御史各杖
遣之其守正不阿類如此元貞二年建言治平之世不宜數赦不
急之役宜且停罷咸爲成宗所嘉納授河北河南肅政廉訪使大
德元年河決蒲口臺檄令文按視防河之策文建言長河萬里西
來其勢湍猛至孟津而下地平土疏移徙不常失禹故道爲中國
患不知幾千百年矣自古治河處得其當則用力少而患遲事失
其宜則用力多而患速此不易之定論也今陳留抵睢東西百有
餘里南岸舊河口十一已塞者二自涸者六通川者三岸高於水
計六七尺或四五尺北岸故堤其水比田高三四尺或高下等大
槩南高於北約八九尺堤安得不壞水安得不北也蒲口今決有
千餘步迅疾東行得河舊濱行二百里至歸德橫堤之下復合正

流或強湮遏上決下潰功不可成揆今之計河北郡縣順水之性
遠築長垣以禦泛濫歸德徐邳民避衝潰聽從安便被患之家宜
於河南退灘地內給付頃畝以爲永業異時河決他所者亦如之
信能行此亦一時救患之良策也蒲口不塞便朝廷從之會河朔
郡縣及山東憲部爭言不塞則河北桑田盡爲魚鱉之區塞之便
帝復從之明年蒲口復決塞河之役無歲無之是後水北入復河
故道竟如文言三年調山東憲使歷行省參知政事行御史臺中
丞七年召拜資善大夫中書左丞相西饑發廩不足募民入粟補
官以賑之山東歲凶盜賊竊發出鈔八百五十餘萬貫以弭之選
十道使者奏請巡行天下問民疾苦又奏斥罷南方白雲宗與民
均事賦役西域賈人有奉珍寶進售者價六十萬錠省臣平章顧
謂文曰此所謂雅庫特原作押忽大珠也六十萬酬之不爲過矣一坐

傳玩文問何所用之平章曰含之可不渴熨面可使目有光文曰
一人含之千萬人不渴則誠寶也若一寶止濟一人則用已微矣
吾之所謂寶者米粟是也一日不食則餓三日不食則疾七日則
死有則百姓安無則天下亂以功用較之豈不愈於彼乎平章固
請觀之文竟不爲動年六十九因疾告老而歸十年拜昭文館大
學士中書左丞商議中書省事召不起武宗仁宗之世屢延致訪
以國事賜燕及金帛有加進階自光祿大夫轉銀青榮祿大夫仍
中書左丞丙還田里延祐六年拜太子詹事使三往乃起仁宗命
盡言以教太子待以殊禮泰定三年以中書平章政事致仕明年

卒于家年九十二

元史
列傳

郝元良字景文霸州信安人也少俊偉慷慨能國語給事裕皇邸
以才知名博通古今經事之學稽考先王宗廟朝廷疑識旁及百

家之書至元二十年擢揚州路治中二十二年遷同知淮南道宣

慰司事又遷江淮等處財賦總管江淮吏牘有令察司不按劾元

良受命陛辭懇請許察司按劾財賦吏牘然後臣敢行詔獎諭而

從之未幾丁母憂扶柩歸葬斬衰哭泣居墓廬毀過常制近臣以

聞朝廷遣使賜食品憫勞焉服除會兩淮鹽法壞

馬祖常郝兩淮公墓誌銘

之鹽自至元十四年勅立當時鹽課未有定額但從實恢辦自後

累增至六十五萬七十五引客人買引自行赴場支鹽場官逼勒

竈戶加其斛面以通鹽商壞亂鹽法

元史食貨志

吏因緣大賈爲奸田

畝單弱操錢售不得食鹽益翔貴州縣上狀詔元良行戶部尙書

乘傳往治旣至督淮南轉運司漕輓廩益之在鹽官者輸倉氏主

之閱其書之次以爲先後販者不得賄吏破其囊橐均利於眾大

德八年正授工部尙書至大元年拜中書參知政事二年遷尙書

參知政事階榮光祿大夫固辭不允乃就職歲餘以疾力辭杜門
家居後尙書省臣果有罪伏辜愈以能退自喜獨雍容灌園種樹
無資則持器物鬻之屬延祐初元命中書卽家起爲大司農卿又
以病免上以侍醫視藥存問元良雖病猶以國事憂而其言語未
嘗及其私也卒年六十二

郝公墓誌銘

王伯勝霸州文安人兄伯順給事內廷爲世祖所親幸因以伯勝
入見命使宿衛時伯勝年十一廣穎巨鼻狀貌屹然帝顧謂伯順
曰此兒當勝卿可名伯勝

元史列傳

帝嘗沃盥水温冷適當問誰進者
內侍以伯勝對帝曰此兒他日必知爲政達人情矣

元史類編二十六

至

元二十五年從征納延以功授朝列大夫拱衛直都指揮使
初拱衛直隸教坊市井無賴往往竄名衛卒伯勝盡募良家子易
之

元史類編

大德五年八月上都天久雨在聞城西北有聲如戰鼓伯

勝率衛卒出視之乃大水暴至伯勝立具舂鍤集土石瓚戮以塞

門分決壕隍以殺其勢至旦始定而民弗知丞相譔勒哲以聞帝

嘉之續資治通鑑一百九十四以侍成宗疾忤安西王出爲大甯路總管伯順

亦出爲梁王傅武宗卽位召拜大都留守兼少府監先是大都土

城歲必衣葦以禦雨日久土益堅勞費益甚伯勝至悉奏罷之元史

類仁宗立正百官品秩降授資德大夫尋復升榮祿大夫拜遼陽

等處行中書省平章政事元史列傳省治懿州州俗敝陋民不知學伯

勝卽增郡學弟子員擇名師以教育之元史類編使客至無所舍皆館

於民民苦之伯勝乃擇隙地爲館廩元史列傳度閒田百頃募民耕種

以給廩餼歲大旱齋戒以禱禱畢旣雨人謂之平章雨延祐二年

仍爲大都留守遼陽民具狀不得請相與涕泣而去元史類編三年特

授銀青榮祿大夫至治二年賜金虎符授武衛親軍都指揮使兼

大都屯田事仍大都留守奉詔監修文武樓觀咸甯殿建太廟奉

定三年冬

元史列傳

以勞卒於位

元史類編

賜翊忠宣力保惠功臣太保金

紫光祿大夫上柱國追封衛國公謚忠敏長子恪初名安圖累官

至兵部尚書南臺治書侍御史僉宣徽院事次瑪爾以宣武將軍

襲武衛親軍都指揮使

元史列傳

張伯用字春和文安人赴人之急如恐不及父病不差乃默禱於

天誓代其死夜夢神賜藥以痊梁仲友等狀其事以聞太醫院大

卿王伯順入奏世祖十一月乙亥並次子召見上問其齒對六十

有二問濟民今經幾載對祖考以來幾百年矣上以張氏以慈救

苦顧謂中書右丞相完澤日以好人目之汝等皆若此天下民無

饑困矣賜之錢若干伯用以無功竟不受賜食殿中仍賜御衣一

領乙卯冬復賜坐於百僚之上大陳樂隊使觀之因問農桑事歷

對甚悉上嘉其樸質及出自送之三十年春駕幸上都六月敕中書平章政事梁俺都剌就賜雲南所貢玉仙人於其家十月後賜錢二千五百緡辭其半受之大德九年卒先期自云吾明日逝矣因置酒徧嘗親舊爲訣遺戒子孫曰祖宗積德久矣迨我蒙國寵自慚過分若等孜孜爲善不墜前功余瞑目地下以遠近負欠文券五千餘緡悉焚之

文安楊志

王倚字輔臣父永福金末避地徙燕爲宛平著姓富雄閭里倚爲人孝友樂易重然諾與人交不苟合讀書務躬行不專事章句世祖還良家子入侍東宮時倚年弱冠在衆中儀觀獨偉太保劉秉忠深器重之卽以充選倚服勤守恪遂見信任有詔皇太子裁決天下事凡時政所急民瘼所係倚知無不言是時官職未備而湯沐分邑地廣事繁當有統屬乃拜倚工部尙書行本位下隨路民

匠都總管至元二十一年詔立東宮官屬以倚爲家丞又置儲用司掌貨幣出納令倚兼之後以疾辭職仍給太子家丞祿以優養之倚上言不事事而苟竊祿食臣心誠所未安不許力辭再四方許之二十六年皇孫出鎮懷孟帝爲選老成練達舊臣護之乃以屬倚陛辭帝目之良久謂侍臣曰倚修潔人也左右皇孫得人矣及行營幕所在軍政肅然未幾召還二十八年授禮部尙書以疾辭明年卒年五十三贈正議大夫禮部尙書追封太原郡侯謚忠肅

元史
肅列傳

郭貫字安道保定人才行見推山中書掾調濟南路經歷世祖至元二十七年拜監察御史承詔分江北沿淮草地劾淮西宣慰使昂吉爾原作見父子專權久不遷調蠹政害民狀不報又言近見江淮無知諸人多有發掘父祖墳墓將地改售於人者止圖利己

莫恤祖宗往往聽信野師妄以風水誑惑曰某山強則某支富某水弱則某支貧或曰茲山無鼎鼐之形安得出一品之貴茲山無倉庫之象安得致千金之富於是有一墓而屢遷不已者有子孫不肖不能固守從而墮師巫之術但知多取錢鈔忍於拋掘者甚有豪富之家貪信風水不惜金錢誘之遷移轉買者更有圖殉葬之金銀破祖宗之棺槨并投骸骨於水火者當今世風澆薄爲人後者不務勤儉破浪費財產及至貧乏不自咎責反謂先塋風水不利所致以致輕發祖先塋地高價貨賣不仁不孝情罪非輕若非明定嚴刑竊恐愚民沿襲視爲泛常嗣後移棄屍骸不爲祭祀者合同惡逆定罪具地人知情者減二等科斷元價沒官野師並行責逐庶令嚴而民不敢犯刑曹是其言著爲令

元史類編

三十年

僉湖南肅政廉訪司事大德初遷湖北道

元史

列傳調雲南軍征八百

媳婦貫言今四省軍馬以數萬計征入百媳婦國深入煙瘴萬里

不毛之地無益於國不聽

續資治通鑑
一百九十四

五年遷江西道賑恤饑民

有惠政入爲御史臺都事八年遷集賢待制進翰林直學士奉詔

與遼陽行省平章政事博斯呼

原作別
連合

徹爾特穆爾往鎮高麗十

一年召爲河東廉訪副使至大二年

元史
列傳

仁宗幸五臺山貫進見

問廉訪使穆爾濟達

原作滅
里吉歹

何以有善政左右曰皆副使郭貫之

教也

元史
類編

因賜貫瑪瑙數珠金織文幣召拜治書侍御史帝親書

其官階以授有司皇慶元年改侍御史明年出爲淮西廉訪使建

言宜置常平倉考校各路農事延祐二年召拜中書參知政事明

年升右丞加集賢大學士五年除太子詹事貫言皇太子受金寶

已三年宜行冊禮又輔導之官早宜選置從之六年加太子賓客

謁告還家至治元年復起爲集賢大學士尋致仕泰定元年遷翰

林學士承旨不起至順二年以疾卒年八十二追封蔡國公謚文

憲貫博學精篆籀當世冊寶碑額多出其手

元史列傳

鮮于樞字伯機漁陽郡人

四庫全書提要一百二十二

能詩文尤精書翰

沈志

至元間以材選爲浙東宣慰司經歷改江浙行省郡事每晨出則載筆櫝與其長廷爭是非一語不合輒欲去漁獵山澤間而後快

軒騎所過父老環聚指目曰此我鮮于公也及日晏歸焚香弄翰

取數十百年古鼎彝器陳諸堦除按扶斷文廢欵若明日急有所

須而爲之者

元詩百集家小傳

面帶河朔偉氣每酒酣驚放吟詩作字

元史類編

三十奇態橫生趙孟頫極推重之

書史會要

見者以爲世外奇崛不凡

人也公卿以詞翰屢薦入館閣不果用遷太常典簿晚年閉門謝

客營一室名曰困學之齋自號困學民又號直寄老人

元詩百集家小傳

於廢圃得怪松一株移置屋前呼爲支離叟日夕與之相對所著

詩文名困學齋集

元史類編

虞集嘗云大德延祐間翰墨在漁陽巴西

兩地謂鮮于樞趙孟頫鄧文原也

幾輔唐志七十九

大德六年卒子去矜

孫端皆以能書名

元史類編

梁德珪字伯溫

續資治通鑑云一名時都刺

良鄉人

一統志

年十一

元史類編十四給事

昭睿順聖皇后宮令習國語通奏對

元史列傳

由中書左司郎中六遷

至參議尚書省事執政入奏事帝詢其本末不能對德珪從旁辯

析曉暢帝大悅拜參知政事是歲至元三十一年也在省久

元史類編

凡錢穀出納銓選進退諸蕪賜予或上命驟至不暇閱簡牘同列

莫知所對德珪從容數語即定

元史類編

間遇疑事則曰某事當如某

律某年嘗有此旨驗之皆然

一統志

京師地震世祖怪州郡報囚之

數過多德珪曰當國者急於徵索蔓收延繫以致此爾帝悟為赦

中外逋負民賴以蘇

元史列傳

大德元年為中書左丞二年為中書平

章政事

續資治通鑑
二百九十三

務以安靜輔治求進者不得逞由是朋聚與

怨欲搆事中傷之

元史
類編

初朱清張瑄以金帛賂貴近事敗御史杜

肯構等言旺札勒等與二人交通宜罪之

通鑑輯覽
六十六

與巴延巴特

瑪琳沁迭同罷明年復位

元史
類編

杜肯構言巴延等樹黨受賂謫戍

遠方道路相慶方今數月遽開召復相位又與原鞫者列坐朝堂

天下之人目巴延梁德珪巴特瑪琳沁爲三凶三凶不誅無以謝

天下乞將羣凶或斥或誅明正其罪前後章數十上皆不報

通鑑
輯覽

德珪以位居執政不受凌轢慷慨引咎遂安置湖廣帝疾愈問知

之召使復位既至帝問卿安在德珪涕泣不能語賜酒饌使往拜

其母因以氣疾乞骸骨歸大德八年九月卒於家年四十有六

元史

列傳

郝彬字景文霸州信安人

一統志

年十六充太子宿衛擢揚州路治

中宋末鄞縣賊顧閏聚眾海島時出攻剽宋羈縻以官內附後益橫侵揚州境彬討擒之泰興人有被殺二年而盜不獲者吏捕平人獄已具彬疑其誣讞之果得真盜御史薦彬同知淮西宣慰司事覈戶版理屯田諸廢修舉江淮財賦總管府掌東宮田賦其官屬皆從詹事院奏授不隸中書往往爲姦利誅求無厭彬爲總管入見請受憲司糾察以革私弊並請罷所隸六提舉司以蘇民累帝從之遂罷其四元代經費按元史稱國家經費此承用當時狀志失改正也鹽利居十之八而兩淮鹽獨當天下之半元史列傳法久寢壞以彬行戶部尙書赴淮經理彬度舟楫所通道里所均建六倉煮鹽於場運積之倉歲首聽羣商於轉運司探倉籌定其所乃買券又定河南江南市易之法著爲令入爲戶部尙書拜中書參知政事元史類編同列務生事要功殺無罪之人彬積誠意閱引橫不可制遂稱疾堅臥

一榻至數月尚書省臣皆得罪彬不與焉

幾輔唐志七十一

俄免歸

元史類編

家居七年足跡未嘗一出門外仁宗思之以爲大司農卿未幾謝

病延祐七年三月卒

元史列傳

曹鑑字克明

宛平志

號以齋宛平人

陶宗儀輯錄七

穎悟過人

元史列傳

弱冠

南遊具通五經大義大德中用學士郝彬薦爲淮海書院山長南

臺中丞廉恆辟爲掾史除興文署伴送安南使者歸國途中問難

倡和應答如響使者歎服以爲中國有人

元史類編三十五

至治二年授

江浙行省左右司員外郎明年奉旨括釋氏白雲宗田稽檢有方

不數月而事集纖毫無擾泰定口年

元史列傳定無七年七

字誤

遷湖廣行

省左右司員外郎鑑遇事不避權貴湖北廉訪司舉鑑宜居風紀

不報

宛平志

天厯元年調江浙財賦府副總管屬淮浙大水民以舊

告鑑損其賦什六七勢家因而詭免者鑑取實論令首輸元統二

卷之二十一

三

年升同僉太常禮儀院鑑習典故達今古凡禮樂度數名物罔不周知因集議明宗皇后祔廟事援禮據經辯析詳明君子多之至

元元年升禮部尙書卒年六十五追封譙郡侯諡文穆鑑天性純

孝親族貧乏者周卹恐後歷官二十餘年僦屋以居歿之日家無

餘貲元史列傳蓄書數千卷皆手自較定爲詩賦尙騷雅作文法西京

每篇成學者爭相傳誦有文集若干卷嘗自浙調湖廣員外有故

掾顧淵伯元史類編按義耕錄作主簿顧淵伯致書問訊且以辰砂一包見寄未

及啓封漫爾置篋笥中後有憲官過訪因論製藥爲苦無好辰砂

鑑曰我一故人嘗以此爲惠當奉送及取視乃有砂金三兩雜其

內公驚歎曰淵伯以我爲何如人也時淵伯已歿呼其子歸之其

廉慎如此陶宗儀耕錄七

吳鼎字鼎臣燕人初入東宮爲宿衛尋授織染雜造局副總管後

積官至禮部尙書宣徽副使大德十一年山東饑命鼎往賑朝議發米四萬石不給則以鈔折之鼎曰民得鈔將何從易米同使者曰議已定恐不可更鼎曰人命豈不重於米耶言於朝易米以行

元史類編

至大元年改正奉大夫保定路總管時皇太后欲幸五

臺言者請閒保定西五迴嶺以取捷徑遣使卽鼎使視地形計工費鼎言荒山斗入人跡久絕非乘輿所宜往還報太后喜爲寢其

役

元史

授同知中政院事兩浙財賦隸中政者鉅萬計前徵者率

多取贏鼎治之一無私海漕萬戶朱清張瑄多貸與民錢

元史類編

後

兩家誅沒而券之已償者亦入於官官唯驗券徵理民不能堪鼎

力爲辯白始獲免四年改京畿漕運使皇慶二年特旨復知宣徽

院事四月進資政大夫崇祥院使延祐三年卒年五十有五增榮

祿大夫平章政事柱國追封薊國公諡孝敏

元史列傳

劉德溫字純甫大興人起家中書省宣使大德十一年以年勞授

內司照磨監建興聖宮調掌儀署令改內宰司丞奉中旨徵河南

民進糧德溫輒平其價令輸鈔以償民甚稱便轉延福司丞奉旨

代祀嶽瀆元史類編二十七比還遷同知大都路都總管府事輦轂之下

供億浩繁德溫措置有法民用不擾元史列傳累遷同知上都留守司

事元史省檄和糴糧民以價不時得遞相觀望德溫下令曰糧入

價出吏有敢爲姦者罪加等於是糧不踰期而集元史類編轉大司農

丞耕藉之儀取具一時德溫欲考訂典禮集爲成書未畢元史列傳俄

授永平路總管永平當天厯兵革之餘野無居民德溫爲政一年

而戶口增倉廩實遂興學校以育人材庶事畢舉歲大旱禱而雨

歲以不歉元史類編灤漆二水爲害有司歲發民築堤德溫曰流亡始

集而又役之是重困民也遂罷其役而水亦不復至元史列傳有豪民

武斷鄉里前吏莫敢治德溫按得其罪論如法書其過於門永平

古孤竹國也

元史類編

前立廟祀伯夷叔齊而祀禮未備德溫請命有

司春秋具牢禮致祭從之遂著爲令賜廟額曰聖清士論題之

元史

王至順間卒年六十九贈正議大夫禮部尙書上輕車都尉彭城

郡侯諡清惠

元史列傳

趙師魯字希顏霸州文安人父趾祕書少監師魯爲人風采端莊

在太學力學如寒士延祐初爲興文署丞遷將作院照磨辟爲御

史臺掾後補中書省掾於朝廷典章故實律令文法無不練習臨

事明敏果斷執政奇之

元史列傳

及典銓選人服其公

續補唐志七十一

工部

主事遷中書省檢校官咸著能名泰定中拜監察御史

元史列傳

以大

禮未舉言天子親祀郊廟所以通精誠迎福釐生烝民阜萬物百

王不易之禮也宜講求故事對越以格純嘏帝曰朕遵世祖舊制

其令大臣攝之

通鑑輯覽九十七

元夕令出禁中命有司張燈山爲樂師

魯上言燕安怠惰肇荒淫之基奇巧珍玩發奢侈之端觀燈事雖

微而縱耳目之欲則上累日月之明疏聞逸命罷之賜酒一上尊

且命傳旨以嘉忠直

元史列傳

是時宰相倒刺抄密專命令不使中外

預知師魯又言古之人君將有言也必先慮之於心咨之於衆決

之於故老大臣然後斷然行之換若汗不可反未有獨出柄臣之

意不咨衆謀者也不報有朝士年未及致仕其子請預廢其官執

政欲從之地師魯駁其非是遂止

元史類編

遷樞密院都事改本院經

厯致和初升奉政大夫參議樞密院事天厯中遷樞密判官改兵

部侍郎丁父憂特旨趣爲同僉樞密院事固辭不就服除復爲樞

密判官

元史列傳

持節治四川軍宣上威德法士卒懷其恩信

元史類編

未

幾遷刑部侍郎樞密院判官久之出爲河間路轉運鹽使除害興

利法度修飭商人便之歲課遂大增元史列傳暇日率僚吏新孔子廟

命往江右製雅樂聘工師春秋釋奠士論稱之以疾篤棄官歸京

師元史類編至元三年九月卒年五十有三贈嘉議大夫禮部尚書天

水郡侯諡文清元史列傳

宋本字誠夫大都人自成童好聚經史日夜句探字索必通貫乃

已嘗從父禎官江陵父清慎自持餽粥恆不給元史類編本材氣

強毅不隨世俯仰元詩百家小傳就王奎文講明性命義理之學造詣日

深元史類編善爲古文元史列傳其文峻潔刻厲多微辭每歎近世文體散

散爲不足尙務爲高古以勝之始以詩歌擅名及聞貢舉詔下復

習經義策問元詩百家小傳年四十始還燕至治元年廷策天下士本居

第一授翰林修撰泰定元年春改監察御史首言南坡之變逆首

雖誅其黨僅竄嶺南乞正天罰盜竊仁宗金主本言在法民間失

盜捕違期不獲猶治罪太常失典守及在京應捕官皆當罷又言
中書宰輔日趨禁中固寵苟安兼旬不至中堂壅滯機務乞戒飭

臣僚自非入宿衛日必詣所署治事又言太尉司空之職濫假僧
人及會福殊祥二院並辱名爵請罷之皆不報

元史類編

踰月調國子

監丞夏烈風地震有旨集百官雜議弭災之道時宿衛士自北方
來者羣相剽劫殺人桓州道中既逮捕舒瑪爾節奏釋之蒙古千
戶使京師宿邸中適民朱甲妻女車過邸門悅之并從者奪以入
朱泣訴於中書舒瑪爾節庇不問本適與議本復抗言特克實餘
黨未誅仁廟神主盜未得桓州盜未治朱甲寃未伸刑政失度民
憤天怨災異之見職此之由辭氣激奮眾皆聳聽冬移兵部員外
郎二年轉中書左司都事會議招撫溪洞民故將李牢山之子嘗
從諸王帥兵征鬱林州徭民道納妾留不進兵敗歸樞密副使王

布琳濟達言李平猛有功當遷官本言李棄軍娶妾逗撓軍期宜

亟寘諸法况可官邪王色沮乃不敢言舒瑪爾節死左相丞都爾

蘇當國得君元史列傳以私意欲因赦而酬累朝賈胡獻寶之直且復

英廟至今奪官者一日自禁中來僚佐出詔藥以星孛地震赦天

下本讀竟曰今天警災異而畏獻物未酬直者憤怨此細故形諸

王言必貽笑天下司憲褫有罪者官世祖成憲也今擢用之是廢

成憲而反汗前詔也後復有邪佞賊穢者將治之邪置不問邪宣

詔畢遂稱疾不出元史類編四年遷禮部郎中天厯元年冬陞吏部侍

郎二年改禮部至順元年累進奎章閣學士院供奉學士二年擢

禮部尙書元百宗詩小傳三年冬甯宗崩順帝未至皇太后在興聖宮正

旦議循故事行朝賀禮本言宜上表興聖宮廢大明殿朝賀眾是

而從之元統六年兼進奎章閣學士院承制學士二年轉集賢直

學士兼國子監祭酒經筵官卒年五十四

元史列傳

本以扶植斯文自

任知貢舉取進士滿百人充讀卷官增第一甲爲三人

元史類編

父官

南中賣宅以去本未弱冠卽聚徒以養親歷仕通顯猶僦屋以居

及卒非賻贈幾不能給棺歛執紼者近二千人皆縉紳大夫門生

故吏及國子諸生時人榮之木所著有至治集四十卷行世

元史列傳

制贈翰林直學士范陽郡侯謚正獻弟

元詩百家小傳

獎字顯夫登泰定元年進士第

元史列傳

除祕書監校書郎安南使者

朝貢歸選充館伴使改翰林國史院編修遷翰林修撰至元初擢

監察御史出僉山南廉訪司事改陝西行臺都事月餘召拜翰林

待制遷國子司業與修宋遼金三史拜翰林直學士尋兼經筵講

官獎自少敏悟出語驚人延祐中挾其所作詩歌從兄入京師詣

清河元明善濟南張養浩東平蔡文淵王士熙方以文章顯於朝

爭慰薦之至治辛酉本登進士第一後三年而裴亦擢第出於曹
允用虞集李杲魯翀之門士論榮之所著有燕石集若干卷歐陽
元謂其詩務去陳言雖大隄之謠出塞之曲時或馳騁乎江文通
劉越石之間而燕人凌雲不羈之氣慷慨赴節之音一轉而爲清
新秀偉之作蘇伯修亦謂其詩清新飄逸間出奇古若盧仝李賀
之流益喜其詞以模擬之

元詩百
家小傳

裴爲監察御史時於朝廷政事

多所建明其文學與本齊名人稱之曰二宋

元史
列傳卒年五十三

贈國子監祭酒范陽郡侯謚文清

元詩百
家小傳

賈壁字國器號樂善永清人治家善封殖力課耕作至治時大疫
居民日有死亡壁乃施藥救人多全活者已而兵警剽掠邨間人
情洶洶皆思匿避壁以足疾不能動履惟闔門待斃而已未幾一
人下馬入門謂壁曰君長者幸無恐我與君雖無舊好感君盛德

故來慰君語畢植箭於門遂去終事無一犯者蓋其人犯當重法有讎家欲擠之死其人逃去後聚眾萬餘藉報昔讎連及無辜皆受其毒事敗壁憐之爲收卹其子女壁與其人素無交壁行素醇厚故兇暴之徒聞風而企重之以是免於亂世壁於至正丁未卒年七十八子用

永清周志

用號秀實幼瑰異隨父業鎡鉅鹿處置籌畫俱有經緯父卒毀瘠逾禮孝事老母母卒哀毀感行路人里中一時爲之罷社方居母憂忽夜夢神人語曰臘月十有七日難將作矣驚覺泣告家人以爲將死會元末寇盜竊發剽掠近邨居人相率避匿用以居廬不肯去及期寇至執用詰曰若何爲守此不去用告以故且言願以身殉母喪死不敢避盜感其孝相戒不得入室事平竟無恙人以爲純孝徵焉用性醅謹雖業佔待人以誠人亦莫有欺者巡鹽御

史察其公正多就南之用所建白往往見於施行人以爲便平居
鮮疾言遽色卽臧獲有過必善導之以是人樂爲用咸盡其力卒
之日奴隸如哭私親以謂是仁人也用居家能儉約好周施建義
塾立義塚創設義院收恤貧無養者又置義田以備非常之需鄉
黨俱稱其惠

永清周志

李廷字瑞卿其先粵人移家京師廷早孤母續以教子樵以養柴
好禮聞之曰母貞而子孝不興何待以其子妻之年二十起家京
尹曹歷左司吏部府正掾太子詹事完澤數言之東宮得召見用
爲南昌尹復入掾詹事及中書以勞調泉府司知事進經歷遂爲
司丞行泉府罷受詔覈江南賦賦平以能同知河南府事諸王及
使客不絕於道修傳卽備供饋以紓民憂祠二程張邵司馬以教
民學遷陝西行省員外郎出良民爲奴婢者三百餘人朝廷以爲

忠進甘肅行省郎中復召爲戶部郎中賦法均出賦不畧濫益以爲賢賜三品秩以爲江州總管天久不雨施德化理冤滯去士民所疾苦而便利之乃雨發廩勸分活民於飢者三萬餘家命醫載藥起民於疾者三百五十餘人乃修社稷興學校暇則率府屬詣校官集耆德宿學之士親執經講問下邑皆化之改兩淮屯鹽總管田之沒於民者爲頃餘二十戶之入於他籍者千二百五十有三逃於他郡者九十有六皆復之糧之重於民者爲石六千四百有六十皆除之歲省公帑十七八而上供無不備上數遣使賜酒勞問始給各官公田政成召爲兵部尙書遷刑部尙書拜淮東宣慰司引年謝歸越五年卒

揭傒斯李忠靖公墓誌銘

贈通奉大夫江西等處行

中書省參知政事護軍追封潞陽郡公諡忠靖

通州高志

張誠字彥清良鄉人元大德間嘗見遺篋於道舉以待遺者久之

有張琮者行哭而至曰兄瑾非罪逮繫營贖亡此將並命焉誠以
篋歸之後誠以六十無嗣後生一子聰慧過人年二十登第官尚
書侍御史西臺中丞翰林學士

良鄉楊志

劉器之良鄉人

畿輔唐志八十五

世同居聚族百餘復置義學延名師以

訓鄉里英宗幸涿州臨其家詢以睦族之道器之對曰在義而已
苟資財有偏厚衣食有所私匿皆爭端也誠能以義處之斗米尺
布公其出納則宗族自睦英宗善其對賜金五十兩旌其門復其

家

良鄉楊志

梁有字九思平章梁文節公之孫世居幽州之南城不求聞達教
授生徒百餘人奉母至孝天歷間奉勅河南北錄金石刻於濟川
錄漢刻九通於泗水之中共錄金石刻三萬餘通上進其副類爲
二百卷曰文海英欄又修續列仙傳二十卷

金臺集

宗杞大都人年十九父內宰卒擗踊號泣絕而復甦水漿不入口者三日哀氣傷心遂成疾伏臥牀榻猶哭不止淚盡繼之以血既葬疾轉甚杞有繼母無他兄弟度不能自起囑其妻楊氏曰汝善守志以事吾母遂卒楊氏遺腹生一男人以爲孝感天不絕其嗣云一統志劉居敬亦大都人年十歲繼母郝氏病居敬憂之懇天以求代狀聞並褒表之元史列傳

阿都齊大都固安州人天性篤孝元史列傳幼孤養母母嘗有疾醫治

不痊乃礪其所佩小刀拜天泣曰慈母生我劬勞今當捐身以報

遂割左脇取肉一片作羹進母元史類編母曰此何肉也其甘如是數日而病愈元史列傳

曾德漁陽人一統志

宗聖曾子裔也元史類編母早亡父仲祥再娶左氏

仲祥遊襄陽樂其俗土因攜左氏元史列傳同往居焉亂兵陷襄陽遂

失左氏所在

元史類編

德邇求之五年乃得於廣海間

一統志

奉迎以歸

孝養甚至有司以聞詔旌復其家

元史列傳

劉秉直字清臣大都武清人至正八年爲衙輝路總管多異政賊

劫汲縣民張聚鈔并殺之日久不獲秉直具詞致請城隍祠而使

人伺於死所忽有邨民戰怖仆地具言賊姓名及所在命尉襲之

果得賊於汴遂正其罪

元史類編

秋七月蟲螟生民患之秉直禱

於八蜡祠蟲皆自死歲大饑人相食死者過半秉直出俸米倡富

民分粟餒者食之病者與藥死者與棺以葬天不雨禾且稿秉直

詣城北大行之蒼峪神祠具詞祈祝有青蛇蜿蜒而出觀者異之

辭神而還行及數里雷雨大至秩蒞以親老去官侍養

元史列傳

何失字得之昌平人

元詩百家小傳

負才氣能詩文

續補唐志

與尙書高

彥敬太常鮮于樞同學家善織紗穀日出賣紗騎驢歌吟道中指

意良遠

元詩百
家小傳

至正間名公交薦以親老不就

機輔
唐志

揭傒斯雅重

其人贈以句云心事巢山上文章陶阮間虞集見其所作歎曰當

序而傳之使後之作者亦知世有斯人

元史類編
三十六

東平王繼學曰

余識京師耆老多矣所敬者惟張子正及何得之得之最能爲詩

充然有得如宋陸務觀可傳也年八十而終京兆杜伯原稍憶其

所口授者叙而傳之虞伯生集爲記其後

元詩百
家小傳

華陽吳祖椿校